

婦人良方

衆疾

五之七



卷之五

癰疽門

癰疽各症方論一

二十四種癰疽方論二

癰疽各症方論三

癰疽各症方論四

癰疽各症方論五

癰疽門

癰疽各症方論一

癰疽各症方論二

癰疽各症方論三

癰疽各症方論四

癰疽各症方論五

癰疽各症方論六

癰疽各症方論七

癰疽各症方論八

癰疽各症方論九

癰疽各症方論十


癰疽各症方論十一

癰疽各症方論十二

癰疽各症方論十三

癰疽各症方論十四

癰疽各症方論十五



卷之五

衆疾門

二十四種蒸病方論二 新附

血風勞方論四

卷之六

衆疾門

客熱方論二

寡婦寒熱如癰方論四

血風煩悶方論六

夢與鬼交方論八

熱入血室方論十

咳嗽用溫藥方論十二

喘滿方論十四

勞瘵各症方論一

骨蒸勞方論三

冷勞方論五

熱勞方論一

寒熱方論三

惡寒方論五

血風攻脾不食方論七

傷寒傷風方論九

咳嗽方論十一

勞嗽方論十三

風痰積飲咳嗽方論十五

卷之七

衆疾門

心胸嘈雜方論十六

霍亂方論二

血膈方論四

吐血方論六

衄血方論八

腹中瘀血方論十

食癥方論十二

血氣心痛方論十四

血氣小腹痛疼痛十六

心腹脹滿方論十八

嘔吐方論一

翻胃吐食方論三

鼻血方論五

瘰癧諸氣方論七

八癥方論九

癥痞方論十一

積年血癥方論十三

血氣心腹疼痛十五

西腹脹痛方論十七

太醫院校註婦人良方大全卷之五

江右臨川陳自明良甫編

太醫院使立齋薛已校註

建邑書林泗泉余彰德梓

婦人勞瘵各症方論第一

夫骨蒸、癰、癰、復、連、尸、症、勞、症、蟲、症、毒、症、熱、症、冷、症、食、症、鬼、症、症者注也。自上注下，與前人相似，故曰症。其變有二十二種，或三十六種，或九十九種，令人沉沉默默，寒熱盜汗，夢與鬼交，遺泄白濁，或腹中有塊，或腦後兩邊有結核，咳嗽膿血，下利羸瘦，死而傳症，甚至滅門，更有蜚尸遁尸，寒尸喪尸，尸注謂之五尸人。為其症者，不自知所苦，雖有狸骨、獺肝、天靈蓋等方，未嘗見效。

唯崔氏灸法早用有濟若寒熱自汗面白目乾口苦神昏善怒不能獨卧傳在肝也若寒熱面黑鼻燥善忘大便秘瀉口舌生瘡傳在心也若寒熱面青唇黃舌本硬強言語不出飲食無味羸瘦吐涎傳在脾也若寒熱面赤鼻白乾燥毛折咯嗽喘急吐涎膿血傳在肺也若寒熱面黃耳焦脚脢痠痛小便白濁遺瀝腹痛傳在腎也

愚按前症誠然有創之故葛仙翁用獺肝一具陰乾杵末水下方寸七日三服未愈再作宋宣和間一法師善考訊鬼怪時一婦以疾投狀既而如有鬼祟所附曰非我為患乃病人命自衰爾渠今已成蟲食肺故令吐血聲嘶又屢掠問彼所畏何物云以獺爪為末酒服之則去矣患家如其言得愈獺爪

即癩肝之類歟玄珠云蟲瘵多有兄弟互相傳染甚至絕戶此乃冤牽相纏及風水所係雖有符文法水下蟲之方然蟲去而人亦亡若能平素保養亦可免矣竊究濟生微旨云益氣補肺益精滋腎皆資其化源也蓋人之精血常不足加之數奪其真資化失常則胃氣不固精氣滑脫不能上接陽氣故頭重或痛氣弱而食少元氣下陷脉即微弱外散欲絕而虛洪或見損脉此實元氣不足之所致非有外感賊邪之也病

附治驗

一婦人素勤苦因喪子飲食少思忽吐血甚多而自止此後每勞則吐數口瘵症已具形體甚倦午前以補中益氣午後以歸脾湯送地黃丸而愈

一女子患前症反其唇視有白點此蟲蝕肺也余云急尋獺肝
治之不信果咳膿而歿後聞其兄弟三人皆夭於此症大凡
久嗽當視其兩唇若上唇有點蟲蝕上部下唇有點蟲蝕部

二十四種蒸病論新附第三

所謂勞蒸者毛折髮焦肌膚甲錯其蒸在皮外熱內寒身振肉
潤其蒸在肉髮焦鼻衄或復尿血其蒸在血身熱煩躁痛如針
刺其蒸在脉爪甲焦枯眼昏脇痛其蒸在髓頭眩熱悶涎濁眵
淚其蒸在腦男子失精女子白淫其蒸在玉房乍寒乍熱中脘
煩悶其蒸在三焦小便赤黃凝濁如膏其蒸在膀胱太便秘泄
腹中雷鳴其蒸在小腸太腹隱痛口舌乾疼其蒸在大腸口鼻
乾燥腹脹自汗睡卧不安其蒸在胃口苦耳聾兩脇下痛其蒸

在膽裏急後重肛門秘澁其蒸在廣腸小腹疔痛筋脉繃緩
器自強其蒸在宗筋眩暈下淚躁怒不常其蒸在肝舌黑氣短
煩悶灑淅其蒸在心唇乾口瘡胸腹脹悶畏寒不食其蒸在脾
咳嗽喘滿咯痰吐血聲嘶音啞其蒸在肺耳輪焦枯脚氣酸痛
其蒸在腎情想不寧精物時下其蒸在右腎心膈噎塞攻擊疼
痛俛仰煩冤其蒸在胃此症蟲多齧心肺治當絕其根也

愚按醫林集要云前症若蒸肺用天麥門冬桔梗紫苑烏梅
肉若蒸皮石膏桑白皮若蒸氣喘促鼻乾身熱不安人參黃
芩梔子若蒸太腸大黃芒硝若蒸心黃連生地黃當歸若蒸
脉蒸血皆用生地黃當歸童子小便若蒸小腸赤茯苓木通
生地黃若蒸脾芍藥木瓜苦參若蒸肉芍藥若蒸胃石膏粳

米太黃芒硝乾葛若蒸膽柴胡瓜蒌若蒸三焦石膏竹葉若
蒸肝川芎當歸前胡若蒸筋川芎當歸若蒸腎生地黃石膏
知母寒水石藁本若蒸腦生地黃防風若蒸髓天門冬當歸
生地黃若蒸骨鱉甲地骨皮當歸牡丹皮生地黃若蒸玉房
知母黃柏當歸芍藥若蒸脬澤瀉茯苓生地黃沉香滑石若
蒸膀胱澤瀉滑石凡此諸蒸多因熱病食肉與油膩房勞飲
酒而成者久蒸不除變為疳症即死亦有瘡疾久而不愈以
致咳嗽失治漸成骨蒸勞瘵之症當推標本而治之

崔氏灸腎蒸勞瘵用細繩一條男左女右從足大拇指頭齊量
起從脚板底當脚跟中心向後引繩循脚肚肌肉直上至曲脊
中橫紋截斷又令患人解髮分兩邊見頭縫自額門平分至腦

後乃平身正坐取前所截繩一頭從鼻端齊引繩向上正循項
縫至腦後貼肉垂下循脊骨引繩向下至繩盡處當脊骨以黑
點記此黑點不別取一繩今患人合口將繩按於口上兩頭至
吻却鈞起繩中心至鼻端根下如人字樣齊兩吻截斷將此繩
展直於前在脊骨上黑點處取中橫量勿令高下於繩兩頭以
白圈記之此是灸穴初灸七壯累灸至百壯此名患門穴初灸此訖次令其人
平身正坐稍縮臂膊取一繩遶項向前雙垂與鳩尾齊鳩尾是心岐骨
無是岐骨者督前兩岐骨間量取一寸即是鳩尾也即截斷却背翻繩頭向項後以繩中
倚取心正令當喉嚨結骨上第一次墨點處指中橫量繩兩頭
以白圈記之此是灸穴初灸七壯至百壯又將第二次量口繩指中當脊直
上下豎停中心在第一次墨記上下繩頭盡處以白圈記之此是

灸穴初灸七壯此縱橫四方凡四穴是名曰四花穴初灸各七壯若瘡愈其疾未効依法復灸故云累灸至百壯凡灸時可用瀉其火若婦人纏足短小難為量只取膏肓腧灸之下兩傍各三寸次灸四花穴道軒用此法灸之無有不効者

神仙秘法 取勞蟲須先擇良日焚香禱祝令病人面向福德方服神效

青桑枝 楊柳枝

梅枝

桃枝俱向東者各七莖

葱白莖七 青蒿一握如無以子代

阿魏錢一

真安息香錢一

右用童便一升半煎二升入阿魏再煮數沸入硃砂半兩小預擲半兩麝香半錢五更并天明各進一服下白蟲尚可治以淡粥補之用藥調理三五月再服以除病根如蟲黑已入

腎不可救矣

治心胸痛引兩脇昏悶聲濁熱壅鼻衄或痰喘發熱

桑白皮炒

枳殼炒

木通

子芩炒

生地黃

白芍藥

甘草各五分

右水煎服

溫金散

治肺嗽惡寒發熱嘔痰皮毛焦燥

甘草炒

黃芩炒

桑白皮炒 防風各一兩

杏仁

粒製二十七

人參

茯神

各半兩

麥門冬三錢

右前五味用米泔浸一宿曬乾入人參等三味每服三錢

蠟一豆大水煎

桔梗飲子

治心氣不足解倦溢血或喘嗽痰甚

桔梗炒

甘草炒

黃芪炒

人參

麥門冬

各一錢

青皮三

右水煎服

治咽喉痛

百藥煎

去黑皮

鵬砂

甘草

生白礬

等分

右為末每服一二錢

食後用米飲調細呷之

含化丸

治肺間邪氣胸中積血作痛失音痰喘

蛤蚧

一雙去足炙

訶子

去核

阿膠

粉炒

麥門冬

去心

細辛

甘草

炒

生地黃

各半兩

右為末蜜丸茶實大食後含化一九

河車丸

治一切勞瘵虛損骨蒸等疾

紫河車

一具初生男胎者尤良洗淨并爛本草云人肉治瘰癧胞衣主勞損面黃皮黑諸疾瘦瘠

白茯苓

兩半

人參

兩一

乾山藥

兩二

右為末麵糊和入河車加三末九梧子大每服三五十九空

心米飲下嗽甚五味子湯下

補肺湯

治勞嗽五臟虧損肺熱發熱盜汗自汗喘咳喘嗽

桑白皮

炒

熟地黃

各一錢

人參

紫苑

黃芪

炒

五味子

炒各五分

右水煎入蜜少許食後服

養正膏

治傳尸出汗取蟲辟邪

驚甲

一兩醋炒

青蒿

握一

淡豆豉

三七粒

葱白

兩莖

安息香

研分

桃柳桑枝

各莖

七天靈蓋

用七豆大一片酥炙

桃仁

四十九箇去皮尖雙仁

右隔花以水一升

浸至五更

煎至半升

入薑使半升

煎取四

合調攪擲麝香末各一錢

日高時頓服

以衣覆之

指汗出如

藕絞瀉下如蟲狀甚者旬日再服

阿膠丸

治勞嗽出血咯血發熱肺熱口渴盜汗

阿膠炒

生地黃

卷栢葉

山藥炒

大薊根

五味子杵

炒雞蘇各一兩

栢子仁炒

人參

防風

麥門冬去心各半兩

右為末煉蜜丸彈子大每服一丸細嚼麥門冬煎湯下

四君子湯

加秦艽黃蠟水煎服尤妙治勞嗽咯血

神效散

治傳尸蟲用川椒二斤去核并合口者炒為末每服

一錢酒糊丸空心米飲下服盡見效

蘇合香丸

治傳尸骨蒸勞瘵疰辟鬼氣心痛方見三卷第四論

附方

四君子湯

方見二十四卷第五論

補中益氣湯

方見二十四卷第六論

歸脾湯

方見二十四卷第四論

六味地黃丸

方見二十四卷第十一論

婦人骨蒸勞方論第三

夫骨蒸勞由積熱附於骨而名也亦曰傳尸瘵瘵復連無辜其名不_二此病皆由脾胃虧損所致其形羸瘦腹脹泄瀉肢體無力傳於腎則盜汗不止腰膝冷痛夢鬼交侵小便赤黃傳於心

則心神忪悸喜怒不時頰唇赤色乍熱乍寒傳於肺則胸滿短氣咳嗽吐痰皮膚甲錯傳於肝則兩目昏暗脇下妨痛閉戶忿怒五臟既病則難治療

愚按前症多因經行胎產或飲食起居七情而傷肝脾之所致又或失於調攝或過於攻伐而成東垣先生云發熱之症肺熱者輕手乃得微按全無日西猶甚乃皮毛之熱其症喘嗽寒熱輕者用瀉白散重者涼膈散白虎湯地骨皮散心熱者微按之皮膚之下肌肉之上輕手乃得微按至皮毛則熱少加力按之則全不熱是熱在血脉也日中太甚其証煩心心痛掌中熱而噦用黃連瀉心湯導赤散硃砂安神丸脾熱者輕手扪之不熱重手按至筋骨又不熱不輕不重在輕重

之間此熱在肌肉過夜猶然其証合情者四肢不收無氣以動用瀉黃散肝熱者按之肌肉之下至骨之上寅卯時猶甚四肢清悶便難轉筋多怒多驚筋痿不能起於床用瀉青丸柴胡飲腎熱者輕手重按俱不熱加重手按至骨分其熱蒸手如火其症骨蒸如蟲蝕困熱不能起於床用滋腎丸此治實熱之法也竊謂肺經虛熱者用人參補肺湯脾氣虛而不能生肺者用六君子湯脾熱遺於肺者用三黃丸心經虛熱者用補心湯命門火衰不能生土者用小味丸肝虛不能生心者用補肝散腎尅心者用附子理中湯脾經虛熱者用人參黃芪散土尅水者用承氣湯脾不能培肝者用六君子湯元氣下陷及金不能生水者俱用補中益氣湯肺尅肝及

腎經虛熱與腎不能生肝者俱用六味丸

附治驗

一婦人發熱、晡熱、盜汗、自汗、殊畏風寒、飲食少思、或腹脹吞酸、或大便不實、此脾胃不足、諸經虧損、朝用補中益氣、夕用八珍湯、倍用參苓白朮各二十餘劑、諸症漸愈、因喪母、哀傷、患盜汗、便血、用加味歸脾湯數劑而止、仍用前二藥、又五十餘劑、尋愈、月經兩月而至、適因怒去血過多、發熱作渴、肢體酸倦、頭自暈痛、用逍遙散加味歸脾湯二藥調補而痊。

一婦人盜汗、自汗、遍身酸疼、五心發熱、夜間益甚、或咳嗽咽乾、或盜汗、自汗、月經兩三月一至、用加味逍遙散六味地黃丸、兼服臨卧、又服陳木丸三月餘、諸症悉愈、其經乃兩月一至。

又服兩月而痊

陳木九即陳皮
白木為丸

一婦人連前症食少倦怠肌肉消瘦日晡發熱至夜益甚月水過期漸至不通時發渴躁誤用通經之劑熱倦愈重飲食愈少余用八珍湯加升麻丹皮山梔柴胡治之熱漸退又用八珍丹皮軟柴胡調理而愈

一婦人飲食少思胸膈不利或胸中作痛或大便作瀉或小便不利用逍遙散加山梔茯神遠志木香而愈後因怒寒熱往來倦怠煩熱以前藥加炒黑黃連三分頓愈用八珍湯調理而愈後因怒吐血躁渴用人參五錢苓朮當歸各三錢陳皮甘草各一錢治之而愈

一婦人胸脇作痛肉熱晡熱月經不調余謂鬱怒傷損肝脾朝

用歸脾湯以解鬱結生脾氣又用加味逍遙散以生肝血清
肝火半載而愈後因飲食失調兼有怒氣月經如注脈浮洪
而數用六君子加芎歸炮薑二劑而血止用補中益氣加炮
薑茯苓半夏治之而元氣復又用歸脾湯逍遙散調理而康
婦人內熱口乾頭暈吐痰帶下體倦飲食少思余謂脾氣虛
弱而不能生肺金用補中益氣湯加茯苓半夏脾氣漸復飲
食漸進諸症漸退再用加味逍遙散治之尋愈

婦人腹脹脇痛內熱晡熱月經不調不時吐痰或用化痰行
氣之劑胸膈不利余謂脾氣鬱結肝經血虛朝用歸脾湯夕
用加味逍遙散或可愈劑而諸症漸愈又因飲食停滯或用峻
厲之劑口乾體倦余用七味白朮散補中益氣加茯苓半夏

中氣漸愈又以補中益氣及八珍湯兼服而痊

一婦人患前症將愈因怒胸膈不利飲食少思服消導利氣之藥太便下血余曰此脾氣復損不能攝血歸源用補中益氣加茯苓半夏炮薑血止用八珍加柴胡炒梔熟退用八珍湯逍遙散而痊

一婦人肌體倦瘦口乾內熱盜汗如洗日晡熱甚用參芪歸朮扶神遠志棗仁麥門五味丹皮龍眼肉炙甘草柴胡升麻治之獲痊後因喪子懷抱不舒腹脹少寐飲食少思痰涎上湧月經頻數余為鬱悶傷脾不能攝血制涎歸源耳用補中益氣濟生歸脾漸愈又用八珍湯調理而痊

一婦人發熱口乾月經不調肢體無力腿痛體倦二膝浮腫余

作足三陰經血虛用六味九逍遙散煎服兩月形體漸健飲食漸進膝腫漸消而痊

一婦人日晡熱甚月水不調飲食少思大便不實胸膈痞滿頭目不清肢體倦怠發熱煩躁余爲七情肝脾虧損之症用濟生歸脾湯加味逍遙散補中益氣湯調治元氣漸復而愈

一婦人月經不調晡熱內熱飲食少思肌體消瘦小便頻數或用清熱生血之劑月經不行四肢浮腫小便淋瀝余朝用金匱加減腎氣丸夕用歸脾湯漸愈又用八珍湯兩月而愈

一婦人胸脇膨滿小腹悶墜內熱晡熱飲食不甘體倦面黃日晡則赤灑淅惡寒此脾肺氣虛先用六君子加川芎當歸諸症漸愈又用補中益氣加茯苓半夏諸症全愈後飲食失節

勞熱惡寒發熱不食用加味小柴胡二劑而熱退用逍遙散
歸脾湯調理而康

天靈蓋散 治骨蒸四肢無力肺熱頰赤食少心煩

天靈蓋散附 安息香 地骨皮 當歸 山梔仁

人參 貝母去心 黃芪 桃仁去皮尖雙

檳榔各一 驚甲醋炙 柴胡 生地黃 赤茯苓

麥門冬 阿魏

右每服五錢桃柳枝各七寸薑五片葱白五寸童便煎

過按醫學綱目云柴胡本經並無一字治勞熱今治勞方鮮

有不用者誤世多矣凡此症乃真臟虧損而虛熱王海藏先

生云苟無實熱而用柴胡不死何待蓋柴胡乃肝膽之藥雖

能升胃氣下陷每劑不過分許而可多用或產後氣血虛熱尤宜禁忌

獺肝丸

治骨蒸勞熱或潮熱發熱體瘦煩疼不欲飲食

獺肝具一

鱉甲

醋炙

柴胡

各一兩半

硃砂

另研

桃仁

去皮尖雙

仁

雙炒黃

升麻

天靈蓋

酥炙

犀角

鎊

施子仁

炒

地骨皮

知母

各一兩

黃芪

炒

甘草

炒各五錢

麝香

一錢

研

右為末煉蜜丸桐子大每服三十丸空心食

前滾水下

黃芪丸

治骨蒸煩熱肢痛作痛口乾心躁睡卧不寧等症

黃芪

炒

麥門冬

去心

茯神

柴胡

甘草

炒

生地黃

各一兩

酸棗仁

炒

郁李仁

去皮

尖

杏仁去皮尖
麩炒

枸杞子 人參

黃芩炒各
三錢

驚甲二兩
製

右為末蜜丸桐子大每服三十丸食遠清粥飲下

熬鬼丸 治滑蒸傳尸鬼氣伏連

麝香三分

犀角鎔

木香

白木各一
兩

鬼箭羽

桃仁去皮尖
雙黃辰砂另研

虎頭骨酥炙

雄黃各一
兩半

右為末蜜丸桐子大溫水下二十丸此藥能辟瘟疾可佩之

地仙散

治諸蒸熱肌熱煩燥勞熱口乾能生津液而清肺火

地骨皮

防風

麥門冬各五
分

甘草炒三
分

右水薑煎

十全大補湯 治氣血虛熱加柴胡地骨皮秦艽

秦艽散 治五心煩熱煩赤

逍遙散 治血虛五心煩熱肢體疼痛頭目昏重心忪煩赤已

燥咽乾發熱盜汗減食嗜臥月水不調臍腹脹痛寒熱如瘧

痰嗽潮熱肌體羸瘦漸成骨蒸方見二十四卷第四論

枳殼散 治婦人手足煩熱盜汗肌痺經候不調煩倦心胃滿

悶狀如勞氣

枳殼去穢麩炒二兩半夏麴各一兩赤芍藥各一兩柴胡炒各一兩半黃芩炒各一兩半

右為末每服三錢薑棗水煎服

華陀解勞生肌進食活血養心石膏每服水和錢許甚驗

青蒿散 治體倦虛疲勞熱九月採青蒿去梗用童子小便浸

三百曬為末每服二錢烏梅一箇煎湯調服

清心蓮子飲參蘇飲加黃芩麥門冬並治五心煩熱手足熱甚

附方

如味小柴胡湯方見二十四卷第二論

柴胡飲治肌熱積熱或汗後餘熱脉洪實弦數

柴胡

人參

黃芩

芍藥

甘草

當歸

大黃

煨各二錢半

右薑水煎服

瀉白散治肺臟氣實心胸壅悶咳嗽煩喘太便不利

桔梗炒

地骨皮

甘草炙

瓜蒌仁

升麻

半夏薑

桑白皮炒

杏仁去皮尖等分

右每服四錢薑水煎

導赤散

治心虛蘊熱小便赤澀或成淋瀝口舌生瘡等症

生地黃

木通

甘草等分

右每服三錢竹葉水煎

瀉黃散

治脾熱口臭咽乾或口舌生瘡發熱作渴

石膏

山梔子炒

防風

甘草

藿香等分

右每服三錢水煎

涼膈散

治上焦積熱煩躁作渴頭目昏瞶咽喉腫痛便溺赤澀

瀝語言譫妄等症

大黃煨

朴硝

甘草各二兩

連翹四兩

梔子仁炒

黃芩炒

薄荷葉各一兩

右為末每服二三錢竹葉七片水煎溫服

白虎湯

治胃熱作渴暑熱尤効又治熱厥腹滿身熱轉側面

垢譫語遺溺手足厥冷自汗脉沉滑太便秘泄清水無度

知母

石膏各二錢

粳米半合

右水煎服

附子理中湯

治脾胃虛寒手足厥冷飲食不入或腹鳴切痛

嘔逆吐瀉

方見二十卷第八論

硃砂安神丸

方見三卷第十論

地骨皮散

方見六卷第三論

黃連瀉心湯用一味黃連為末每服二錢以白湯調下

瀉心丸

方見二十四卷第三論

承氣湯

方見後

滋腎丸

方見八卷第一論

人參補肺湯

方見二十四卷第十二論

補中益氣湯

六君子湯 二方見二十四卷第六論

三黃丸

方見八卷第八論

補心湯

方見前

六味丸

八味丸 二方見二 四卷第十一論

補肝散

方見七卷第十七論

人參黃芪散

方見十三卷第十論

加味歸脾湯

八珍湯

加味逍遙散

建瓯散

歸脾湯

五方見二十四卷第四論

七味白朮湯方見二十一卷第二論

金匱加減腎氣丸方見二十一卷第十論

婦人血風勞氣方論第四

婦人血風勞症因氣血素虛或產後勞傷外邪所乘或內有宿冷以致腹中疼痛四肢酸倦發熱自汗月水不調面黃肌瘦當調補肝脾氣血為主

愚按東垣云喜怒不節起居不時有所勞傷皆損其氣氣衰則火旺火旺則乘其脾土脾主四肢故困熱懶言動作喘乏表熱自汗心煩不安當病之時宜安心靜坐存養其氣以甘寒瀉其熱氣以酸味收其散氣以甘溫補其中氣經言勞者溫之損者溫之要畧云平人脉大為勞以黃芪建中湯治之

附治驗

一婦人勞則足跟熱痛余以為足三陰血虛用聖愈湯而痊後
遍身搔痒誤服風藥發熱抽搐肝脉洪數此肝家血虛火盛
而生風以天竺膽星為丸用四物麥門五味苓連炙草山桅
柴胡煎送而愈

一婦人素清苦勤於女工因感風邪自用表散之劑反朝寒暮
熱自汗盜汗形氣虛甚其脉或浮洪或微細其面或青白或
痿黃此邪去而氣血愈虛也用十全大補湯三十餘劑漸愈
又用加味道遙散兼治半載而痊

人參荊芥散 治遍身疼痛頭昏目澁心忪煩倦寒熱盜汗煩
赤口乾癢嗽胸滿月水不調腹痛癖塊

荊芥

人參

生地黃

柴胡

鱉甲

醋炙

酸棗仁

炒

枳殼

炒

羚羊角

鎊

白朮

各七

川芎

當歸

酒拌

桂心

防風

甘草

各五

右薑水煎日二服

地黃煎

治血虛心忪發熱

生地黃

熟地黃

自製等分

右用薑汁和水拌杵丸桐子大每服五十丸空心白湯下日

三服若臟腑虛寒早間先服八味丸一服

愚按前方肝脾血虛發熱內熱晡熱盜汗作渴體倦筋骨疼

痛筋脉拘攣血虛發躁虛熱生痰咳嗽之良劑若因肝脾腎

精血燥熱生痰胸膈痞滿喘咳作渴及一切虛火症必用六

味丸爲主

乞力伽散

治血虛肌熱或脾虛蒸熱或內熱寒熱

白朮

白茯苓

白芍藥炒各一錢

甘草炒五分

右薑棗水煎

附方

黃芪建中湯

方見二十卷第四論

聖愈湯

方見二十四卷第九論

四物湯

方見二十四卷第六論

六味丸

加味逍遙散

二方見二十四卷第四論

六君子湯

補中益氣湯

二方見二十四卷第六論

歸脾湯

十全大補湯

二方見二十四卷第四論

入參養榮湯方見二十四卷第三論

八味丸方見二十四卷第十一論

婦人論第五

婦人冷勞屬血氣不足臟腑虛寒以致膈下冷痛手足時寒月經失常飲食不消或時嘔吐惡寒發熱骨節痠疼肌膚羸瘦面色痿黃也

愚按前症有內外真寒然有內外真熱亦有內真熱而外假寒者又有內真寒而外假熱者若飲食難化太便不實腸鳴腹痛飲食畏寒手足逆冷面黃嘔吐畏見風寒此內外真寒之症也宜用附子理中湯以回陽八味地黃丸以壯火若飲食如常太便堅實胸腹痞脹飲食喜冷手足煩熱面赤嘔吐

大醫心方卷之八

王卷

八十七

不畏風寒此內外真熱之症也宜用黃連解毒湯以消陰六
味丸以壯水若飲食如常大便堅實胸腹痞脹飲食喜寒手
足逆冷面黃嘔吐畏見風寒此內真熱而外假寒也亦用解
毒湯六味丸若飲食少思太便不實吞酸噯氣胸腹痞滿手
足逆冷面赤嘔吐畏見風寒此內真寒而外假熱也亦用附
子理中湯與六味丸當求其屬而治之經曰益火之源以消
陰翳壯水之主以制陽光使不知真水火之不足泛以寒熱
藥治之則舊疾不去新病復生矣夫所謂屬者猶主也謂心
腎也求其屬也者言水火不足而求之於心腎也火之源者
陽氣之根即心是也水之主者陰氣之根即腎是也非謂火
為心原為肝水為腎主為肺也太抵寒亦抑心熱亦強腎在

治者審之

附治驗方藥

一婦人食少作嘔口吐痰涎面黃腹痛月經不調手足逆冷余謂此內外俱寒之症遂以六君加附子木香治之而愈

先太宜人忽嘔吐酸水內熱作渴飲食不進惟喜冷水面色青赤投之以藥入口即吐此內外真熱之症積十餘日以黃連一味煎湯飲之徐加白朮茯苓仍加陳皮當歸炙草至月餘始進米飲稀粥調理而愈

一婦人內熱作渴太便秘結畏惡風寒手足逆冷余以爲內真熱而外假寒先用黃連解毒湯後用六味丸而愈
太方室趙氏初患痰喘熱渴醫以降火散氣治之肌日削而

氣日索延至甲辰木旺痰盛身熱口腐腹脹神昏絕食幾死
先生診之云此乃虛熱無火投以壯水生土之劑隨服隨効
得以不死竊喜各安忽值戊申夏初坐則頭墜不能起視則
則背冷覺風透體煩熱暈眩咳嗽痰湧手足麻冷病勢危殆
自分必死得先生枉診之曰此內真寒外假熱之症也遂以
大補薑附之劑飲之不三四服而太勢已平仍以前藥加減
而愈則其他以有餘之火治之無怪乎其展轉增劇也微先
生則山妻不死於甲辰之春難免於戊申之夏矣太方感慨
不已援筆備述求附卷末庶幾醫者之不昧病者之得全先
生之惠垂諸無窮豈一世一人之幸哉長洲沉大方頓首拜
書

八味丸

六味丸 二方見二十四卷十一論

附子理中湯 方見二十卷第八論

黃連解毒湯 方見六卷第十二論

六君子湯 方見二十四卷第六論

太醫院校註婦人良方卷五

終

太極圖說卷之八

六子子戲
古具二十四卷
讀六篇

黃車雜毒戲
古具六卷
讀十二篇

附子野中戲
古具二十卷
第八篇

六和氏
二古具二十四卷
十一篇

八和氏

卷之三
目錄
一
二
三
四
五
六
七
八
九
十
十一
十二
十三
十四
十五
十六
十七
十八
十九
二十

十一

八
一
二
三
四
五
六
七
八
九
十
十一
十二
十三
十四
十五
十六
十七
十八
十九
二十

太醫院校註婦人良方大全卷之六

江右臨川陳自明良甫編

太醫院使立齋薛已校註

建邑曹林泗泉余彰德梓

婦人良方論第一

婦人熱勞由心肺壅熱傷於氣血以致心神煩躁頰赤頭疼眼
澁唇乾口舌生瘡神思昏倦四肢壯熱飲食無味肢體酸疼心
怔盜汗肌膚日瘦或寒熱往來當審其所因調補氣血其病自
愈矣

愚按前症乃壯火食氣虛火煎熬真陰之所致也王太僕云
如太寒而其熱之不熱是無火也熱來復去晝見夜伏夜發

晝止是無火也當治其心如大熱而甚寒之不寒是無水也
熱動復止倏忽往來時動時止是無水也當助其腎心盛則
生熱腎盛則生寒腎虛則寒動於中心虛則熱收於內竊謂
前症若肝脾血虛用四物參朮肝脾鬱怒小柴胡合四物湯
脾胃氣虛補中益氣湯肝脾血虛加味逍遙散肝經風熱加
味小柴胡湯心經血虛天王補心丹肺經氣虛人參補肺湯
肝經血虛加味四物湯太抵午前熱屬氣分用清心蓮子飲
午後熱屬血分用四物參朮丹皮熱從左邊起肝火也實則
四物龍膽山梔虛則四物參朮黃芪熱從臍下起陰火也四
物參朮黃槿知母酒拌炒黑五味麥門肉桂如不應急用加
減八味丸不時而熱或無定處或從腳心起此無根虛火也

用加減八味丸及十全大補湯加麥門五味主之

附治驗

一婦人經行不調，飲食少思，日晡熱甚，余以為脾胃氣血俱虛，用十全大補加山茱、山藥、丹皮、麥門、五味而愈。次年秋寒熱如瘧，仍用前藥而愈。

一婦人生育多胎，月經不調，兩足發熱，年餘其身亦熱，勞則足痠痛，又年許唇腫裂，痛又半年唇裂見血，形體瘦倦，飲食無味，月水不行，此氣血俱衰之症。彼誤用通經丸等藥，後傷氣血，遂致不起，惜哉。

黃芪散 治發熱羸瘦、心燥、口乾、不欲飲食，或盜汗、晡熱。

人參

黃芩

炒當歸 各三錢

柴胡

各五分

黃芪

炒

地骨皮

白茯苓 麥門冬 法生地黃 白芍藥炒各一錢 甘草炒分三

石水薑煎

猪肚丸 治熱勞羸瘦

柴胡 赤茯苓 人參 黃芪各一兩 黃連炒三兩

地骨皮 木香各半兩 桃仁去皮尖 鱉甲各一兩

右為末用嫩猪肚一枚入藥縫合蒸熟研爛丸桐子大每服三五十九食前米飲下日二服

附方

清心蓮子飲 治熱在氣分口乾小便白濁夜間安靜晝則發熱又治口舌生瘡或口苦咽乾煩躁作渴小便赤澁下淋不止或莖中作痛

黃芩炒

麥門冬去心地骨皮

車前子炒

甘草各一錢半

石蓮肉 茯苓

黃芪炒

柴胡去苗

人參各一錢

右每服五錢水煎

補中益氣湯

加味四物湯

四物湯

三方見二十四卷第六論

加味小柴胡湯

小柴胡湯

二方見二十四卷第二論

十全大補湯

加味逍遙散

二方見二十四卷第四論

天王補心丹

寧心保神益血固精壯力強志令人不忘清三

焦化痰涎祛煩熱除驚悸瘵咽乾育養心神

人參去蘆

茯苓

玄參

丹參

杜便

遠志

各五錢當歸酒浸

五味

麥門冬去心

天門冬

栢子仁

酸棗仁炒各一兩

生地黄兩四

右為末煉蜜丸桐子大用硃砂為衣每服二三十九臨臥竹葉煎湯送下一方多石菖蒲熟地黃杜仲百部茯神其草此方內天麥門冬玄參生地雖能降火生血化痰然其性沉寒損傷脾胃尅伐生氣若人飲食少思太便不實者不宜用

人參補肺湯

方見二十四卷第十二論

加減八味丸

方見二十四卷第十一論

婦人客熱方論第二

婦人客熱由元氣虛而外熱乘之以致口燥心煩四肢壯熱肌肉消瘦治法當審其因而調補之愚按前症若客邪所侵用補中益氣加川芎防風肝虛血少

六味地黃丸胃火飲冷錢氏瀉黃散胃虛飲湯七味白朮散
潮熱時熱八珍湯晡熱內熱逍遙散發熱體倦補中益氣湯
恚怒發熱小柴胡湯鬱怒發熱加味歸脾湯寅卯酉戌時熱
升陽益胃湯

附治驗

一婦人素有胃火服清胃散而安後因勞役躁渴內熱肌肉消
瘦月經不行此胃火消燥陰血用逍遙散加丹皮炒梔以清
胃熱用八珍湯加茯神遠志以養脾血元氣充足而經自
麥門冬散治四肢倦痛煩悶不食或寒熱往來

麥門冬去心柴胡

赤茯苓

羚羊角鎊

赤芍藥

桑白皮炒黃芪炒

生地黃各四分

甘草各三分

右薑水煎

附方

補中益氣湯 方見二十四卷第六論

六味丸 方見二十四卷第十一論

瀉黃散 方見五卷第三論

七味白朮散 方見二十一卷第二論

八珍湯 加味歸脾湯

逍遙散 三方見二十四卷第四論

小柴胡湯 方見二十四卷第二論

升陽益胃湯 方見三卷第九論

清胃散 方見二十四卷首論

婦人寒熱方論第三

經曰陽不足則先寒後熱陰不足則先熱後寒皆由勞傷氣血陰陽不調寒熱如瘡也當分氣血虛實而治之

愚按前症若寸口脉微名曰陽不足則陰氣上於陽中用補中益氣湯若尺部脉弱名曰陰不足則陽氣下陷入陰中用益陰腎氣丸若因氣血俱虛用八珍湯若因怒動肝火用小柴胡湯若陰陽俱不足則氣血不歸其本部以致寒熱交也

附治驗

一婦人年六十有四久鬱怒頭痛寒熱春間乳內時痛服流氣飲之類益甚時有血如經行又大驚恐飲食不進夜寐不寧兩乳腫脹兩脇炊痛午後色赤余以爲肝脾鬱怒火燥先以

六卷 五

逍遙散加酒炒黑龍膽一錢山梔一錢五分服二劑腫痛頓愈又二劑全愈再用歸脾湯加炒梔貝母諸症悉愈

地骨皮散 治血風氣虛時作寒熱或晡熱內熱

柴胡 地骨皮各兩 桑白皮炒 枳殼炒 前胡

黃芪各五分 白茯苓 五加皮 人參 甘草

桂心 白芍藥各三分

右薑水煎服

柴胡散 治寒熱體痛口乾心煩飲食少思肌體消瘦

柴胡 黃芪炒 赤茯苓 白朮各一錢 人參

地骨皮 枳殼炒 生地黃 苦梗 桑白皮炒

赤芍藥各三分 鱉甲炙二錢 麥門冬去心一錢 甘草三分

右水薑煎服

鹽陰腎氣丸

治諸臟虧損發熱晡熱潮熱盜汗或寒熱往來

五心煩熱或口乾作渴月經不調或筋骨痠倦飲食少思或頭目不清痰氣上壅咳嗽晡甚胸膈痞悶或小便赤數兩足熱痛或脚足痠軟肢體作痛等症此壯水之主以制陽光之劑也

澤瀉

茯苓

生地

酒拌杵膏

牡丹皮

山藥

茱萸

肉

當歸

五味子

炒杵

熟地

自製杵膏

右為末入三膏加煉蜜丸桐子大硃砂為衣每服五十丸空

心淡鹽湯下

補中益氣湯

方見二十四卷第六論

六味丸

方見二十四卷第十一論

小柴胡湯

方見二十四卷第二論

八珍湯

逍遙散

歸脾湯

三方見二十四卷第四論

寒濕寒濕方論第四

食公傳與褚氏論皆云師在寒婦獨陰無陽慾心萌而不遂是以慄慄成病以致乍寒乍熱而類瘧狀又則為勞又有經閉白淫痰逆頭風膈氣痞悶面黧瘦瘠等證皆寒婦之病診其脉獨肝脉弦出寸口而上魚際皆血盛而致經云男子精盛則思室女人血盛則懷胎觀其精血思過半矣

愚按前症若肝脉弦出魚際用生地黄黃芩血虛佐以四物湯

若兼怒動肝火而寒熱佐以加味道遙散若虧損肝經而寒熱佐以八珍湯若虧損元氣而寒熱佐以補中益氣湯若鬱傷脾氣而寒熱佐以濟生歸脾湯

附治驗

一寡婦不時寒熱脉上魚際此血盛之症用小柴胡湯加生地黃治之而愈但畏風寒此脾胃氣虛用加味歸脾補中益氣二湯兼服而止

一婦人因夫久出經商發寒熱月經旬日方止服降火涼血藥內熱益甚自汗盜汗月經頻數余曰內熱自汗乃脾氣虛弱也月經頻數乃血不歸脾也用歸脾湯六味丸而愈
一室女寒熱肝脉弦長而出寸口用小柴胡湯加生地烏梅沙

之而愈既嫁而諸症悉痊

一室女久患寒熱月經失期以小柴胡湯加生地治之少愈更

以生地黄丸而痊

生地黄丸

許學士云有一師尼惡風體倦乍寒乍熱面赤心

煩大小柴胡湯雜進其病益劇予診視之曰三部脉無寒邪

但肝脉弦長而上魚際服此丸而愈

柴胡

秦艽

黃芩

各半兩

生地黄

一兩酒濕研膏

赤芍藥

一兩

右為末煉蜜丸桐子大每服三十丸烏梅湯下日三服

附方

補中益氣湯

四物湯

二方見二十四卷第六論

加味逍遙散

八珍湯

加味歸脾湯

歸脾湯

四方見二十四卷第四論

小柴胡湯

方見二十四卷第二論

六味丸

方見二十四卷第十一論

婦人惡寒方論第五

婦人惡寒有陰陽二證發熱而惡寒者發於陽也無熱而惡寒者發於陰也發於陽者脉浮數宜解表發於陰者脉沉細宜溫裏凡惡寒不可過覆衣被及近火熱若寒熱相搏令人寒甚若寒氣入腹血室結聚最難治療

愚按前症若怠惰嗜卧洒淅惡寒乃陽不能伸發用升陽益胃湯若勞傷形氣而惡寒乃無陽以護衛用補中益氣湯若飲食傷脾胃而惡寒乃元氣虛損用六君子湯若加煩躁妄

言或欲飲水仍服前劑但加薑桂若體倦煩渴頭痛自汗用
補中益氣加五味麥門東垣云晝則發熱惡寒是陰氣上溢
於陽分也夜則惡寒是陰血自駐於陰分也海藏云六月太
熱之氣反得太寒之症當捨時從症治以薑桂之類丹溪云
久病惡寒乃痰鬱於脾抑遏陽氣不得外泄治當解鬱

附方

升陽益胃湯

方見三卷第九論

補中益氣湯

六君子湯

二方見二十四卷第六論

婦人血風煩悶方論第六

婦人血風煩悶由勞傷氣虛而風邪乘之血氣不和以致肢節
熱疼口乾不卧而煩悶也當調補元氣為主

愚按前症多屬肝脾血虛發熱當參照前寒熱方論主治

赤芍藥散

治煩悶不食并倦頭眩身熱疼痛等症

赤芍藥

酒炒

白茯苓

錢各一

甘草

炒

柴胡

分各五

右薑棗水煎

婦人血風攻脾不食方論第七

夫脾為中州意智之臟也諸經皆賴其養與胃為表裏胃主司納脾主腐化若勞傷真氣外邪乘之諸症生焉

愚按經云胃乃脾之剛脾乃胃之柔傷胃則脾無所稟受傷脾則不能為胃運化是以脾胃為之表裏藉飲食以滋養百脈者也竊謂前症若飲食所傷六君子湯勞役所傷補中益氣湯若風寒所傷用人參理中湯木旺乘土六君加柴胡

吐腹痛或太便不實前湯加木香胸膈虛痞或肚腹不利六
君子湯鬱怒傷損肝脾歸脾湯命門火衰八味丸仍審諸經
錯雜之邪而治之假如不能食而肌肉削乃脾胃結本病有
關脉緩而弱乃脾胃之本脉若見弦緊或四肢滿閉淋瀝便
難轉筋此肝之脾胃病也若兼洪大或肌熱煩熱面赤此心
之脾胃病也若兼浮溢或氣短喘急咳嗽痰盛此肺之脾胃
病也若兼沉細或善恐善欠此腎之脾胃病也各當於本經
藥中加兼症之藥此東垣先生之治法也

附治驗方藥

一婦人停食飽悶或用人參養胃湯木香檳榔丸而泄瀉吐痰
腹中成塊又與一陳黃連厚朴反加腹脹不食余以爲脾胃

氣虛不能消磨用補中益氣加茯苓半夏五十餘劑脾胃健而諸症痊

一婦人飲食每用碗許若稍加非大便秘不實必吞酸噯腐或用二陳黃連枳實反加肉桂作嘔余曰此末傳寒中不信仍作火治虛症悉至月經不止余用六君加炮薑木香數劑諸症漸退又以補中益氣加炮薑木香茯苓半夏數劑全愈後因飲食勞倦兼以怒氣飲食頻少元氣頓怯仍用前藥更加發熱脉洪大按之而虛兩大如無此命門火衰用補中益氣加薑桂及八味丸兼服兩月餘諸症尋愈此症若因中氣虛弱用人參理中湯或六君子加木香炮薑不應用左金丸或越鞠丸虛寒加附子理中湯無有不愈

一婦人飲食後或腹脹或吞酸自服枳朮丸飲食日少胸膈痞滿腹內酸痛畏見風寒或用養胃湯腹脹浮腫益甚月經不行余以為鬱結所傷脾虛濕熱下注侵晨用四君芎歸二陳午後以前湯送越鞠丸諸症漸愈又用歸脾八珍二湯煎服兩月餘而經行

一婦人胸滿少食或腹脹吞酸或經候不調此中氣虛而不能施化也用補中益氣加砂仁香附煨薑而飲食進更以小君芎歸貝母桔梗而經自調

一婦人年三十餘忽不進食日飲清茶水菓三年餘矣余謂脾氣鬱結用歸脾湯加吳茱萸四劑遂飲食如常若人脾腎虛而不飲食當以四神丸治之

一婦人不進飲食二年矣日飲清茶菓品之類肝脾二脉弦浮
按之微而結此謂肝脾氣鬱用六君木香枳實下痰積甚
多飲食頓進形骸始瘦臥床月餘仍服六君之類而康

越鞠丸

治鬱傷氣滯以致胸膈痞悶或肚腹膨脹或咽喉不

清或痰氣不爽或飲食少思或吞酸不腐宜用此藥清之若
人脾胃虛弱用六君子湯為主大凡中氣虛弱變症百出難
以名狀但用四君補其脾胃元氣漸復諸症自退若用治病
之藥則誤矣

香附 蒼木炒

川芎

梔子炒

神麴炒

山查

冬等分

右為末用神麴糊丸每服六七十丸食遠白湯送下

四君子湯

六君子湯

補中益氣湯 三方見二十四卷第六論

人味丸 方見二十四卷第十一論

人參養胃湯 方見七卷第六論

二陳湯 左金丸 方見七卷第十七論

人參理中湯 附子理中湯 二方見二十卷第六論

歸脾湯 八珍湯 二方見二十四卷第四論

二神丸 四神丸 二方見八卷第八論

婦人經水見方論第八

人稟五行秀氣而生承五臟神氣而養若調理失節血氣虛衰則鬼邪子其正隱避而不欲見人時獨言笑或時悲泣是其候也脉息遲伏或如鳥啄或綿綿而來不知度數而顏不變亦其

候也

愚按前症多由七情虧損心血神無所護而然也宜用安神定志等藥則正氣復而神自安若脉來乍大乍小乍短乍長亦為鬼祟也宜灸鬼哭穴以患人兩手相並用線繫乳壯若果是邪祟病者即乞求免灸云我自去矣

茯神散

治妄有所見言語雜亂時或昏昧痰熱

茯神

一兩半炒

茯苓

人參

石菖蒲

各一錢

赤小豆

五分

右水煎服

桃仁丸

治與鬼魅交通

辰砂

另研

檳榔

當歸

桃仁

各三錢

水銀

一錢 剉肉一箇 研令星盡

麝香

阿魏

麝香

沉香

各半兩

右為末煉蜜丸桐子大每服十丸空心桃仁湯下
辟瘟丹

虎頭骨二

硃砂

雄黃

雌黃

鬼臼

皂莢

蕪荑仁

鬼箭羽

藜蘆各一兩

右為末煉蜜丸彈子大囊盛一丸男左女右繫臂上及用一

丸當病人戶前燒之一切邪鬼不敢近

妙香散

治心氣不足精神恍惚夢與鬼交語言錯亂先服此

以補氣血鎮心安神然後以前方治之

方見三卷第十三論

婦人傷寒傷風方論第九

傷寒之症若氣口脈緊盛即下之今迎緊盛即汗之左關浮緊亦當發其汗若犯胃熱證語喜忘小腹滿小便自利用抵當湯

胃氣論語用承氣湯脈緊無汗名傷寒脈緩有汗為傷風熱病
脈洪大為中暑用香薷飲脈細弱為中陽用白虎湯胃實用承
氣湯傷寒先服黃龍湯不分男女但妊娠用藥宜清寒不可輕
用桂枝半夏桃仁朴硝等類凡用藥病稍退則止不可盡劑此
為大法

愚按前症當宗仲景先生治法但胎前產後須以安胎補益
為主須臨症審之

黃龍湯即小柴胡湯去半夏

桂枝紅花湯 治傷寒發熱口燥舌乾經脈不來

桂枝

芍藥

甘草炒各一錢

紅花二錢

右薑棗水煎服良久再進而汗出可解

黃芩芍藥湯

治婦人內熱口燥咽乾腹滿不食

黃芩炒

芍藥酒炒

白朮

熟地黄自製各一錢

右水煎寒加生薑

當歸湯

治傷寒喘急煩燥或戰而作寒此陰陽俱虛不可下

宜服此藥

柴胡一錢

白朮炒七分

人參

甘草炒

赤芍藥

當歸各五分

五味子杵

木通各三分

右水薑東煎

瀉心三黃湯

治傷寒六七日內有燥屎大便秘結譫語目赤

毒氣閉塞

大黃煨

黃芩炒

黃連炒各一錢

右水煎服取微利如目赤睛疼加赤茯苓竹葉

燒裙散

治女子病新瘥與男子交者名曰陰易其証則裡急

胯痛頭重不卒目中生花或頭面烘熱耳中婢鳴胸中煩悶

甚者百節解散用男子櫓襯襠着左腹者剪取一塊燒灰每

日三服白湯下男子病則以女人者如不應用參附湯

婦人熱入血室方論第十

婦人傷寒傷風發熱經水適來晝則安靜暮則譫語有如癰狀
此為熱入血室治者無犯胃氣及上二焦宜服小柴胡湯按脈
遲身涼當刺期門穴下針病人五吸停針良久徐徐出針凡針
期門穴必瀉勿補肥人二寸瘦人寸半也

愚按前症若因勞役或怒氣發熱適遇經行而患前症者亦

用小柴胡加生地黄治之血虛用四物加柴胡若病既愈而熱未已或元氣素弱並用補中益氣湯脾氣素鬱用濟生歸脾湯血氣素虛用十全大補湯

附治驗

一婦人經行感冒風邪晝則安靜夜則譫語此熱入血室也用小柴胡加生地黄治之頓安但肉熱頭暈用補中益氣加黃荊子而愈後因怒悒寒熱譫語胸脇脹痛小便頻數月經先期此肝火血熱妄行用加味逍遙加生地黄而愈
一婦人因怒寒熱頭痛譫言妄語至夜益甚月經暴至此怒動肝火用加味逍遙散加生地黄治之神思頓清又用補中益氣湯而痊

一婦人經行感冒謔語或用發散寒涼之劑前症益甚月經不止肚腹作痛嘔吐不食痰涎自出此熱入血室而寒復傷胃也用香砂六君及歸脾而痊

乾薑柴胡湯

治婦人傷寒經脈方來熱入血室寒熱如瘧或

狂言見鬼

柴胡錢一

桂枝分三

括萎根分五

牡蠣煨

乾薑炮

甘草炒各二分

右水煎汗出而愈

海蛤散

治婦人傷寒血結胸膈宜服此藥及針期門穴

海蛤

滑石飛水

甘草各二分

芒硝一分

右為末每服二錢用雞子清調下小腸通利其結血自散更

用桂枝紅花湯發其汗則愈方見前

附方

小柴胡湯 方見二十四卷第二論

四物湯

香砂六君子湯

補中益氣湯

三方見二十四卷第六論

歸脾湯

十全大補湯

加味逍遙散

三方見二十四卷第四論

婦人經方論第十一

夫肺為四臟之華蓋內統諸經之氣外司腠理皮膚者外邪入於肺中故令咳嗽當以脈息辨之浮而弦者起於風濡而弱者起於濕洪而數者起於熱遲而澁者起於寒風者散之濕者燥之

之熱者涼之寒者溫之虛者補之

愚按丹溪云春是木氣上升夏是火氣炎上秋是濕熱傷肺
冬是風寒外來當發散行痰開腠理用二陳湯如麻黃桔梗
杏仁痰飲隨症加藥勞嗽宜四物加竹瀝薑汁乾咳嗽難治
此症乃痰鬱火邪也用苦梗開之夏用補陰降火不已則成
勞上半日多嗽者胃火也用貝母石膏午後嗽者陰虛也用
四物加炒黑黃柏知母黃芩嗽者火氣浮於肺也用五味子
五倍子五更嗽者飲食之火流於肺也以貝母軟石膏肺脹
而嗽或左或右不得眠此痰挾瘀血氣滯而病宜養血疎肺
清痰用四物加桃仁訶子青皮竹瀝之類嗽而脇下痛宜疎
肝氣以青皮挾痰實者白芥子之類血凝氣作嗽者桃仁太

黃薑汁丸服治嗽多用生薑以其辛散故也痰因火動逆上
作嗽者先治火次治痰以知母止嗽清肺滋陰降火夜嗽用
清陰分之劑若嗽多用栗殼不必疑但要去病根此乃收後
藥也竊謂前症午前嗽屬胃火盛用竹葉石膏湯胃氣虛用
補中益氣加炒山梔午後嗽屬陰血虛用四物黃柏知母
酒拌炒黑腎水虛用六味地黃丸黃昏嗽用四物五味麥門并前
丸五更嗽用六君子不得眠及兩脇下痛用六味地黃補中
益氣若因氣虛腠理不密六淫所浸當祛外邪而實肝土若
因心火太過當伐肝木而滋肺金若因肺金虛弱精脾土而
生肺氣若因腎水虧損虛火炎上當補肺腎以滋化源太抵風
邪胃火此實熱為患易治惟肺腎虧損此真臟為患最難

附治驗

一婦人素勤苦，冬初咳嗽發熱，吐血盜汗，遍身作痛，或寒熱往來，用化痰降火之藥，口噤筋牽，此血本虛而藥復損之耳。余用八味丸為主佐，以補中益氣麥門五味山藥年餘而痊。

一婦人咳嗽發熱，嘔吐痰涎，日夜約五六碗，喘咳胸痞，燥渴不食，崩血如湧。此脾土虛寒，用八味丸及附子理中湯而愈。全見

女科
撮要

一婦人不得於姑，患嗽胸膈不利，飲食無味，此脾肺俱傷，痰鬱於中也。先用歸脾湯加山梔撫芎貝母桔梗，諸症漸愈。後以六君加芎歸桔梗間服，全愈。

一婦人咳嗽早間吐痰甚多，夜間喘急不寐，余謂早間多痰乃

脾虛飲食所化夜間喘急乃肺虛陰火上衝用補中益氣加麥門五味而愈

一婦人患咳嗽脇痛發熱日晡益甚余曰此肝脾虛熱而傷肺也用加味道遙散加熟地治之而愈後因怒氣勞役前症仍作兼太陽痛或寒熱往來或咳嗽遺尿此肺氣虛而邪勝失制也仍用前散及地黃丸而瘥

一婦人久咳嗽面色痿黃或時晄白肢體倦怠飲食少思稍多則瀉此脾土虛而不能生肺金朝用補中益氣湯夕用六君子湯為主間佐以八珍湯三月餘漸愈後感寒邪喘嗽胸腹作脹飲食不入四肢逆冷此中氣尚虛不能充皮毛肥腠理司開闔之所致也遂用六君加生薑桔梗而愈

附方

法製清氣化痰丸

順氣快脾化痰消食

半夏

南星

去皮

白礬

皂角

乾薑

各四兩

右先將白礬等三味用水五碗煎取永三碗却入半夏三味浸二日再煮至半夏南星無白點為度晒乾

陳皮

青皮

紫蘇子

炒

蘿蔔子

炒另研

杏仁

去皮尖炒研

葛根

神麴

炒

麥蘗

炒

山查子

香附子

右為末蒸餅丸桐子大每服五七十九臨卧茶湯任下

茯苓湯 治胸中有痰飲吐水心胸虛滿不能進食

茯苓

人參

白朮

炒各三兩

枳實

炒二兩

大醫門診 婦人良方 卷六 十八

橘皮 半二兩

生姜 四兩

右用水六升煮取二升分三服

加減小柴胡湯 治咳嗽寒熱往來

柴胡

半夏

黃芩 炒各一錢

甘草 炙

乾薑

炮各五分

五味子

炒各三分

右水煎服

黃連解毒湯

治一切實火喘咳脉洪大或狂言煩躁口乾飲

冷喘急鄭聲目睛赤痛

黃連

黃芩

梔子

黃柏 各二

右水煎服

梔子仁湯

治喘咳發熱潮熱發狂煩躁面赤咽痛

梔子仁

赤芍藥

大青

知母各一錢

升麻

黃芩

石膏

甘草

杏仁

各二錢

柴胡

半二錢

豆豉

百粒

右水煎服

麥門冬湯

治火熱乘肺咳嗽有血胸脇脹滿五心煩熱

麥門冬

去心

桑白皮

炒

生地黃

各一錢

半夏

紫苑

桔梗

淡竹葉

麻黃

各七分

五味子

并

甘草

各五分

右薑水煎服

二陳湯

方見二十四卷第六論

竹葉石膏湯

方見十三卷第十論

六經辨論言如入良方
六卷
十六

補中益氣湯

四物湯

六君子湯

三方見二十四卷第六論

六味丸

八味丸 二方見二十四卷第十一論

附子理中湯

方見二十卷第八論

歸脾湯

加味逍遙散

八珍湯

三方見二十四卷第四論

咳嗽用溫藥方論第十二

初虞世

經曰微寒為嗽寒甚為腸辟古入立方多用乾薑桂心細辛之屬若熱在上焦而咳虛則為肺痿實則為肺癰或氣血不足或因酒色厚味或因重亡津液燥氣焚金故脉數發熱咳嗽膿血宜辛溫建中之屬若用柴胡驚甲門冬葶藶等藥則誤矣

愚按丹溪云陰分嗽者多屬陰虛肺脹不得眠者難治肺痿
專主補氣養血清金肺氣有餘者宜瀉之以桑白皮為主半
夏茯苓佐之瀉其有餘補其不足肺燥者當潤之橘紅杏仁
梗木力子知母鷄子清聲啞者屬寒細辛半夏生薑肺虛者
人參膏阿膠為主陰不足者六味地黃為要藥或知母茯苓
湯陰虛氣喘四物加陳皮甘草以降其氣補其陰竊謂前症
嗽而鼻塞聲重風邪傷肺也用參蘇飲面赤喘嗽火剋肺也
人參平肺散寒熱交作肝氣不和也四君加知母柴胡桔梗
咳喘短氣肺虛也人參補肺湯體倦少食脾虛也人參補脾
湯口乾咽燥虛火上炎也六味丸大凡發熱喘嗽或咳吐膿
血飲食不入急補脾肺滋腎水多有得生者脉浮大而面色

赤者皆難治脉浮短濇者可療

紫蘇飲

治外感風寒咳嗽氣逆血蘊上焦發熱氣促或咳血

翹血或痰嗽不止加黃芩山梔名加味參蘇飲

人參

紫蘇葉去梗

半夏姜汁拌炒

茯苓

陳皮

桔梗

葛根

前胡

枳殼

麩炒各一錢

甘草

炙五分

右薑水煎服

金沸草散

治肺經受風頭目昏疼咳嗽聲重涕唾稠粘

荆芥穗

錢一

前胡

麻黃

旋覆花

各九分

甘草

炙

赤芍藥

半夏

各五分

右薑水煎服

定喘湯

治痰喘胸滿坐臥不安聲重鼻塞頭眩

半夏曲

明阿膠炒

甘草炒各五分

雙桑殼製一錢

五味子炒

桑白皮炒

麻黃去節

人參各三分

右薑三片烏梅半箇水煎服

金不換正氣散

治肺胃虛弱咳嗽不已喘滿延盛

雙桑殼製一錢

杏仁製

甘草

枳殼各五分

右生薑烏梅水煎

錄驗橘皮湯

治肺傷冷濕咳嗽喉中作聲上氣頭痛

陳皮

紫苑

麻黃去根

杏仁製

當歸各錢

桂心

甘草炒

黃芩各五分炒

右水煎

華蓋散 治肺感寒邪咳嗽聲重胸膈煩滿頭目昏眩

蘇子 炒

陳皮

赤茯苓

桑白皮 炒

麻黃

錢各一

甘草

分五

右薑水煎服

千金五味子湯

治咳嗽皮膚乾燥唾中有血胸脇疼痛

五味子

杵

桔梗

炒

紫苑

甘草

炒

續斷 各一錢

竹茹

錢三

赤小豆

一撮

生地黄

桑白皮

各半兩

右水煎服

知母茯苓湯

治咳嗽不已往來寒熱自汗喘促或肺癆

知母

茯苓

兩一

五味子

杵

人參

薄荷

半夏

柴胡

白朮

欬花

桔梗

麥門冬心法

黃芩水各 川芎

阿膠

甘草炙

右每服一兩姜水煎

小青龍湯

治肺感寒咳嗽喘息加杏仁煎蘇黃細

發熱頭疼脉沉細或嘔或欬或利或噎或小使不利小腹滿
脹喘嗽之聖藥

瀉白散

指梗湯

人參平肺散

人參補肺湯

參朮補脾湯

五方見二十四卷第十二論

六味丸方見二十四卷第十一論

四物湯

四君子湯二方見二十四卷第六論

一

經曰感於寒微則為咳甚則為泄蓋肺主氣合於皮毛邪傷皮

○大陽宗交主帶人良方

毛則咳爲肺病傳於各臟以時受邪肺爲嬌臟邪易傷而難治其嗽有肺心脾腎肝風寒支飲膽之十種亦有勞嗽者華陀謂之邪嗽孫真人謂之注嗽此因酒色過度勞傷肺經重者咯唾膿血輕者時發時瘥或先嘔血而後嗽或先咳嗽而吐血此又挾邪傳症孫真人用通氣丸夢與鬼交用四滿丸蛤蚧天靈蓋桃柳枝安息香之類若肺中有蟲入喉痺嗽須以藥含化其蟲即死嗽即止

愚按仲景先生云咳而兩脇痛不能轉側兩胛滿屬於肝臟用小柴胡湯咳而嘔苦水屬膽腑黃芩半夏生薑湯咳而痰中如梗狀甚則咽腫喉閉屬心臟桔梗湯咳而大便秘氣喘小腸腑芍藥甘草湯咳而右胛痛陰引脅背甚則不可動

則咳劇屬脾臟升府湯咳而嘔嘔甚則出長蟲屬胃腑為
太咳而喘息有聲甚則唾血屬肺臟升肺湯咳而失床為
腸腑麻黃附子細辛湯咳而遺溺屬膀胱茯苓桂枝湯咳而
不止三焦受之其狀腹滿不食涕唾面目浮腫氣逆異功散
用之對証其效如神仍參五卷看

附治驗

一婦人患前症肺熱內熱寒熱往來作渴盜汗小便頻數其經
兩三月一行此肝脾氣血虛損用八珍湯不味左各六十餘
劑諸症漸愈其經兩月一行仍用前一藥間以加味道遙散
各三十餘劑後悲怒適經行去血過多諸症悉至飲食少思
腹脹氣促用十全大補湯數劑漸愈仍用前藥調補漸愈復

因喪子胸腹不利食少內熱盜汗便血無寐用加味歸脾湯
仍兼前藥而愈

一婦人患前症不時發熱或時寒熱或用清熱之劑其熱益甚
盜汗口乾兩足如炙遍身皆熱昏憤如醉良久熱止方甦或
晡熱至且方止此陰虛而陽氣弱也余朝用六味丸料夕
用十全大補湯月餘諸症稍愈更兼以補中益氣湯兩月餘
而愈

深師四瀟丸 治上氣嗽飲燥嗽冷嗽謂之五嗽

乾薑炮

桂心

躑躅花

芫花

紫苑各二兩

芫花根皮分二

蜈蚣一枚去頭足炙

細辛

甘草炙

鬼督郵

人參

半夏燒各一兩

右為末煉蜜丸大豆許每服五丸米飲下日三服未應加至

七八九

溫金散

治勞嗽喘悶咯痰中有血

方見前勞瘵類

阿膠丸

治勞嗽并嗽血咯血

方見前勞瘵類下補遺

團魚丸

治骨蒸勞嗽累効

貝母

前胡

知母

杏仁

柴胡

各等分

生團魚

二箇

右藥與魚同煮熟取肉連汁食之將藥焙乾為末用骨更煮汁蓋和藥丸梧子大每服二十丸前黃芪六一湯空心送下病既安仍服黃芪六一湯調理

附方

地骨皮散

知母炒

柴胡

甘草炒

人參

地骨皮

茯苓

半夏美製各一錢

右薑水煎服

海藏紫苑散

治咳中有血虛勞肺痿

人參

紫苑

知母炒

貝母

桔梗炒

茯苓

阿膠炒各一錢 五味子并三

甘草炙五

右薑水煎服

參朮調中湯

瀉熱補氣止嗽定喘和脾胃進飲食

黃芪四

桑白皮分五 人參

炙甘草

青皮

白茯苓各三

五味子并五

白朮三

地骨皮

麥門冬

陳皮各五

右水煎服

二陳湯

治脾胃虛弱中脘停痰或嘔吐惡心或頭目不清飲食少思方見二十四卷第五論

食少思

異功散

方見二十四卷第五論

六味丸

方見二十四卷第十一論

八珍湯

加味道遙散

十全大補湯

加味歸脾湯

四方見二十四卷第四論

補中益氣湯

方見二十四卷第六論

喘滿方論第十四

岐伯曰夜行則喘出於腎淫氣病肺有所墮恐喘出於肝淫氣

害脾有所驚恐喘出於肺淫氣傷心度水跌仆喘出於腎與骨
皆因外邪所感而致太陽病則脉浮無汗而喘用麻黃湯陽明
病則汗出腹滿喘而潮熱承氣湯表邪未解喘促汗出葛根黃
芩湯微喘桂枝厚朴杏仁湯汗出而喘麻黃杏仁甘草石膏湯
表邪未解小青龙湯去麻黃加杏仁成寒伏熱而喘九寶湯氣
鬱痰盛喘促四七湯涎多而喘千縷湯不得卧而喘神秘湯寒
熱喘咳棗膏丸上氣喘促神授湯上盛下弱黍黑錫丹若四肢
逆冷脉息沉細或寸大尺小胸脹冷汗太便頻數上氣喘促此
虛極挾寒之陰証急用返陰丹

愚按東垣云肺金受邪由脾胃虛弱不能生肺乃所生受病
故咳嗽氣短氣上皮毛不能禦寒精神少而渴情慘不樂皆

陽氣不足陰氣有餘也治法若肺氣虛弱用四君枳殼半夏
脾虛不能生肺補中益氣湯七情氣結四七湯脾經鬱結歸
脾湯脾氣虛弱參補肺散肺經火盛參平肺散腎水敗
濁六味丸真陽虛損八味丸或兼小便不利為害尤速非二
丸不能救仍與前十一十二論互用

附治驗

一婦人傷風寒作喘或用表散愈而復患仍用前藥其症益甚
飲食少思胸腹不利此因脾肺氣虛也予先用六君子湯加
桔梗漸愈又用補中益氣湯全愈

一婦人患前症屬命門火虛不能生脾土用補中益氣湯八味
地黃丸而痊後復患其喘益甚用前藥不應遂用黑錫丹二

服喘止仍用前二藥而諸症痊凡屬邪氣有餘者其症易識
治效亦速其屬元氣不足者變症不一効非可以旦夕期也
神祕湯 治水氣乘肺作喘或支飲喘滿痰嗽不食

陳皮白去

紫蘇葉

人參

桑白皮

生薑各一錢

右水煎服

千縉湯

半夏

七枚炮製

皂角

去皮尖弦一寸

甘草炙一

生薑

如指大

右薑水煎服

棗膏丸

治息賁在右脇下大如杯令人灑淅寒熱喘咳

甜葶藶

研

陳皮

苦梗

各等分

右為末煮棗肉丸桐子大每服數丸白湯下

許學士云余常停飲水積食已必嘔漸喘覺肺系急服此
神授湯治土氣喘急不得臥

橘紅

苦梗

紫蘇

人參

五味子

三炒

右薑水煎服

九寶湯治伏熱咳嗽喘急虛勞自汗者不可服

薄荷

紫蘇

大腹皮

洗

甘草

炒

杏仁

去皮

陳皮

各一錢

右薑十片烏梅一箇水煎

四磨湯治七情鬱結上氣喘急滿悶痰涎上湧

人參

檳榔

沉香

烏藥

右四味各濃磨白沸湯少許溫服

五味子湯

治咳嗽皮膚乾燥唾中有血胸脇疼痛

五味子

炒

桔梗

炒

紫苑

甘草

炒

續斷

各五分

竹茹

錢一

赤小豆

撮

生地黃

錢二

桑白皮

炒

右水煎服

附方

六君子湯

四君子湯

補中益氣湯三方見二十四卷第六論

四七湯方見十一

七論

歸脾湯方見二十四卷第四論

人參補脾散

人參平肺散

二方見二十四卷第六論

六味丸

八味丸二方見二十四卷第十一論

黑錫丹方見四卷第四論

婦人胃氣虛弱風邪外侵以致痰滯咳嗽眼昏頭眩經云九變

不利腸胃之所生也無擇云凡屬風熱三生飲化痰丸屬寒痰
金沸草散屬暑熱消暑丸屬氣鬱四七湯在上瓜蒂散吐之在下
控涎丹利之仍觀人之勇怯脉之虛實

愚按前症若肝經悲怒用小柴胡湯肝經風熱用釣藤散肝
腎氣虛用川芎散脾經鬱結用濟生歸脾湯鬱怒傷肝脾用
加味逍遙散脾虛痰逆用白朮生夏天麻湯脾氣虛弱用六
君子益氣湯肺氣鬱滯用二陳貝母桔梗陰虛水泛六味地
黃腎虛陰火加減八味九腎虛火不歸源八味地黃丸仍與

前按互相用之

附治驗

一婦人肉熱口乾勞則頭暈吐痰帶下或用化痰理氣藥前症益盛肢體或麻又用祛風化痰藥肢體常麻手足或冷或熱此脾土不能生肺金也余用補中益氣加茯苓半夏炮薑二十餘劑漸愈又用加味逍遙散三十餘劑全愈後因怒吐痰胸痛或用清氣化痰丸食少痰甚胸脇脹滿脈或浮大或微細余以太君倍用參朮少加木香而康

一婦人咳嗽脇痛或用清肺化痰降火等劑久不愈更加內熱晡熱若兩脇或小腹內熱其咳益甚小便自遺余曰此屬肝經血虛火動用六味丸加五味子滋腎水以生肝血用補肝

益氣生脾土以滋肺金而尋愈

旋覆花湯

治風痰嘔逆飲食不下頭目昏悶等症

旋覆花

枇杷葉

川芎

細辛

赤茯苓各一錢

前胡一錢五分

右水薑棗煎

大半夏湯

治痰飲脾胃不和咳嗽嘔吐飲食不消

半夏

白茯苓

生薑各二錢

右薑水煎服胃痞加陳皮如不應四七湯亦善

導痰湯

治痰涎壅盛胸膈痞塞或咳嗽惡心飲食少思

半夏二錢

南星

枳實麩炒

茯苓

橘紅一錢

甘草五分

右薑十片水煎

附方

川芎散 治肝腎氣虛頭風眩運

小川芎

山藥

白茯苓

甘菊花

人參

各五錢

山茱萸

兩一

右每服一兩食前空心水煎服或為末酒調日二服

小柴胡湯 方見二十四卷第二論

釣藤散 方見四卷第四論

歸脾湯

加味道遙散

二方見二十四卷第五論

白朮半夏天麻湯 方見四卷第五論

六君子湯

補中益氣湯

二方見二十四卷第六論

二陳湯 方見本四卷第十一論

六味丸 加減八味丸

八味丸 三方見二十四卷第十一論

婦人經帶雜方論第十六

婦人帶雜此脾胃鬱火夾滯血液淚汗而成用猪血炒食之乃以血導血而使之歸源爾旋覆花湯尤善

愚按前症若因食鬱用六君山查山桅若因胃熱用二陳湯炒芩連若因六鬱用越鞠丸若因氣滯用四七湯桔梗枳殼太抵此症屬病氣元氣俱不足須用六君為主少佐以治痰之藥若以次治之必變吞酸中滿

附治驗

婦人飲食少思胸中嘈雜頭暈吐痰此中氣虛而有熱用六君子湯加炒黑山梔桔梗而愈後因勞碌頭暈發熱吐痰不食用補中益氣加半夏茯苓天麻而痊
婦人中脘嘈雜口中辛辣或咳嗽吐痰發喘面色或白或赤此脾氣虛而肺中伏火也用六君子加山梔桔梗柴胡及炒黑片苓治之尋愈

婦人嘈雜吞酸飲食少思大便不實此脾氣虛寒而下陷用補中益氣湯加茯苓半夏炮薑漸愈又常服人參理中丸則安

婦人飲食後嘈雜吞酸此食鬱為痰用六君子湯送越鞠丸漸愈又用加味歸脾湯而愈後因怒兩脇脹痛中脘作痛用

四君湯送左金丸漸安仍用六君子湯送越鞠丸而痊

旋覆花湯 治脾胃虛寒中脘停痰汪洋嘈雜腸鳴多嘔吐

不食脇肋脹痛脉沉遲弦細

旋覆花 細辛 橘紅 桂心 人參

甘草 炒 苦梗 白芍藥 半夏 分五 赤茯苓 各三分

右薑水煎服

余治婦人，心胸嘈雜用茯苓補心湯治之而愈方見前

附方

補中益氣湯

四君子湯

六君子湯 三方見二十四卷第六論

二陳湯 方見二十四卷第五論

越鞠丸 方見前第七論

四七湯 方見十卷第七論

歸脾湯 方見二十四卷第四論

人參理中湯 方見二十卷第八論

太醫院校正婦人良方大全卷之六終

太醫院校註婦人良方大全卷之七

江右臨川陳自明良甫編

太醫院使立齋薛己校註

建邑書林泗泉余彰德梓

婦人區吐方論第一

婦人嘔吐良由脾胃不調外邪乘之或胃中虛冷或胃中有熱
或中脘停痰或胃經血弱治法胃冷者丁香散理中丸胃熱者
小柴胡湯竹茹湯胃虛者藿香正氣散停痰者半夏茯苓湯二
陳湯血虛者十全大補湯加陳皮半夏藿香

愚按東垣先生云前症內有故寒與新穀俱入於胃新故真
邪相攻氣併相逆復出於胃故為噦補手太陰瀉足少陰又

云胃因氣逆爲噦夫嘔吐噦者俱屬於胃以其氣血多少爲異耳如嘔者陽明也陽明多血多氣故有聲有物血氣俱病也仲景云嘔多雖有陽明症慎不可下孫真人云嘔家多服生姜爲嘔家之聖藥也氣逆者必散之故以生姜爲主吐者太陽也太陽多血少氣故有物無聲爲血病也有食入則吐以橘皮去白主之噦者少陽也多氣少血故有聲無物乃氣病也以薑棗半夏爲主若脾胃虛弱寒邪所客飲食所傷者用六君丁香藿香生薑之類若胃中有熱膈上有痰用二陳山梔黃連生薑若久病胃虛嘔而不納穀者用生薑參朮黃芪香附之類亦有痰膈中焦食不得下者有氣逆而嘔者有氣鬱於胃中者有食滯於心肺之分而復出者有胃口有火

與痰而嘔者若注船大吐湯飲水者死重便飲之最妙前
論云血不歸源而嘔用十全大補湯誠發前人之未發愚常
用屢効此論與王安道先生源迥一
集所論少異仍宜參看之

附治驗

太守陽山之內素善怒胸膈不利吐痰甚多吞酸噯腐飲食
少思手足發熱數年矣所服非芩連枳實必檳蘇厚朴左關
弦洪右關弦數此肝火血燥木乘土位朝用六味地黃丸以
滋養肝木夕用六君歸芍以調補脾土而愈乙巳夏因大怒
吞酸噯腐胸腹脹滿或用二陳石膏治之吐涎如湧外熱如
灼脉洪大按之如無余曰此脾胃虧損虛陽發越於外脾敗
而涎吐出也用六君加姜桂一鍾即睡覺而諸症如失又數

劑而康

先太宜人飲食後聞外言忤意嘔吐酸水內熱作渴惟飲冷水氣口脉大而無倫面色青赤此肝脾鬱火投之以藥入口即吐第三日吐宿食第七日吐酸黃水十一日吐苦水脉亦洪大仍喜飲冷以黃連煎湯冷飲少許至二十日加白朮茯苓二十五日加陳皮三十七日加當歸炙草至六十日始進米飲半盞漸進薄粥調理得痊

一婦人食後因怒患癰嘔吐用藿香正氣散而愈後復怒吐痰狂言熱熾胸脇脹痛手按少得脉洪大無倫按之微細此屬肝脾二經血虛以加味道遙散加熟地川芎二劑脉症頓退再用十全大補湯而安矣府庠沈姬文母患脾虛中滿痰嗽

發熱又食濕麪冷茶吞酸嘔吐絕食誤服芩連青皮等藥益
加寒熱口乾流涎不收聞食則嘔數日矣迺治余曰脾主涎
此脾虛不能約制也欲用人參安胃散惑於衆論以爲胃經
實火宿食治之病日增劇忽思冬瓜食如指甲下塊頓發嘔
吐酸水不止仍服前藥愈劇復邀視之則神脫脉絕瀕死矣
惟目睛尚動余曰寒淫于內治以辛熱然藥不能下矣急用
鹽艾附子炒熱熨臍腹以散寒回陽又以口氣補接母口之
氣又以附子作餅熱貼臍間時許神氣少甦以參朮附子爲
末仍以是藥加陳皮煎膏爲丸如粟米大入五七粒于口隨
津液嚥下即不嘔二日後加至十粒諸病少退時涎不止五
日後漸服前劑一二匙胃氣少復乃思粥飲後投以參朮等

藥溫補脾胃五十餘劑而愈

丁香散

治脾胃氣弱嘔吐水穀不入

丁香

白朮

縮砂

草菓

各三錢

人參

一兩

當歸

白荳蔻

藿香

甘草

各半兩炒

橘皮

三分

神麴炒

柯子

各半兩

右為末每服二錢薑棗湯調

竹茹湯

治胃熱嘔吐

乾葛

二錢

半夏

薑製三錢

甘草

五分

竹茹

一彈子大

右薑棗水煎服

許學士先生云胃熱者手足心熱也政和中一宗人病傷寒得汗身涼數日忽嘔吐藥食不下用丁香藿香滑石等藥下

咽即吐余曰此正汗後餘熱留胃脘正宜竹茹湯用之即愈
許仁則半夏丸 治胃冷嘔逆不食

半夏洗去滑 小麥麩一斤

右水和丸如彈子大水煮熟初服四五丸二服加至十四五
丸旋煮間服

七味人參丸 服前丸不應可服此藥

人參 白朮各五兩 厚朴薑製 細辛各四兩 生薑

橘皮三兩 桂心二兩

右為末煉蜜丸桐子大米飲下十九漸加至三十丸

青金丸 治嘔吐不已

硫黃三錢 水銀一錢

右入銚內慢火化以木片撥炒成砂研至黑不見白生薑汁糊丸菜豆大每服二三十丸米飲下

附方

人參安胃散

治脾胃虛熱嘔吐泄瀉或飲食不入

人參錢一

黃芪錢二

生甘草

炙甘草各五分

白芍藥七分

白茯苓四分

陳皮三分

黃連炒二分

右水煎服

六君子湯

方見二十四卷第六論

加味逍遙散

十全大補湯二方見二十四卷第四論

六味丸

方見二十四卷第十一論

藿香正氣散

方見二十一卷第九論

霍亂方論第二

論曰嘔吐而利者多霍亂也。因腸胃虛弱飲食過度觸冒風冷清濁相干所致。或先腹痛而吐或先吐而痛或吐利並作。當分寒熱而治之。飲冷者五苓散飲湯者理中丸。四肢逆冷脈微細者用通脈四逆湯加豬膽汁。中暑霍亂煩渴飲冷轉筋者用香薷散。脈浮洪者易治微遲者難治。

愚按賈元良先生云暑者相火行令也。夏月人感之自口齒而入傷心胞絡之經。其症頭疼口乾面垢自汗倦怠少氣或背寒惡熱甚者迷悶不省或霍亂吐利嘔痰腹痛或下血發黃生斑等症。治法清心火利小便為主。若自汗熱甚用白虎湯若頭疼惡寒用十味香薷散泄瀉煩渴飲水吐逆用五苓

散熱甚煩渴用益元散清之若表解裡熱甚者用黃連解毒湯脉微下利作渴喜溫或厥冷不省人事宜竹葉石膏湯加熟附半枚冷飲次以來復丹五苓散治之故東垣云脾胃虛弱遇夏月滯雨身重短氣甚則四肢痿軟脚軟眼黑當滋肺氣以補水之源是以五月常服五味子人參麥門冬之劑為熱傷元氣故耳丹溪所謂夏月伏陰在內也蓋人之腹為地已月不陽盡出於地之上矣是人之陽氣亦浮于肌表散于皮毛而腹中之陽虛矣又加以涼臺水館太弱風直寒泉水菓冰涼之物自內及外不用溫熱病所由生陳無擇云凡中暈切不得用冷藥惟用溫藥得冷即死道途無湯即以熱土熨臍中溺以熱尿即甦槩可見矣內經曰脉虛身熱得之傷

暑難經曰傷暑得之為正邪火自病也當惡其其病身熱而煩心痛其脉浮大而散傷寒論曰太陽中暈者身熱惡寒而脉微弱或發熱惡寒而脉微細乳遲大抵寒傷形熱傷氣蓋傷氣而不傷形則氣消而脉虛弱故先哲立法夏月宜補長有以也前症若內有所積外有所感用二陳湯加減治之或蘿蔔子搗碎服而吐之若飲米湯即死云云同前論若轉筋不在男子以手挽陰女子以手牽乳近兩邊此千金妙法也乾霍亂不得升降死在頃臬當以鹽湯吐之後以二陳湯加川芎蒼朮防風白芷薑煎服若登閭而不通加枳殼若食瓜菓飲冷乘風霍亂用六和湯倍加藿香凡中暑而二者皆因元氣虛弱而暑熱乘之以致泄瀉陽氣暴脫實為陰寒之症

宜急補其陽庶得保生緩則不救其他執為暑熱投以寒藥鮮不誤事愚故以回陽固本之方繼之於後

附治驗

進士李通甫之內冬間開衣箱其內衣裳乃夏月所晒者開時覺暑氣所侵良久患霍亂足指足跟俱轉筋甚惡自分必死用香薷飲一劑急煎下咽即愈

加減理中丸 治肚腹疼痛手足逆冷飲食不_レ入等症

人參

白朮

乾薑

甘草

各等分

右為末煉蜜杵勻每兩作五丸每服一丸白湯化下嘔吐加枳實泄瀉加乾薑吐瀉乾嘔加半夏體冷微汗腹寒加枳附子水煎服

四逆湯

治霍亂吐利腹痛手足厥冷脉微絕

方見八卷第十一論

四逆湯加猪胆汁名四逆猪胆汁湯

甘草二兩

乾薑三兩

附子一枚生

右每服五錢水煎八猪胆汁半合作二服

香薷散

治吐利腹疼發熱頭痛或霍亂轉筋拘急

香薷二錢

白扁豆

厚朴薑製

茯苓各一錢

右水煎冷服連進二三劑加黃連名黃連香薷飲

附方

十味香薷散

治伏暑身體倦怠頭疼惡寒或吐瀉等症

香薷一兩

人參

陳皮

白朮炒

茯苓

黃芪炒

木瓜

不犯鐵器

厚朴薑製

扁豆

甘草少各半兩

右每服一兩水煎

清暑益氣湯

治長夏濕熱所蒸四肢困倦精神短少懶於動

作胸滿氣促支節作疼或氣高而喘身熱而煩心忡膨悶小便黃數大便澹頻或瀉痢作渴不思飲食自汗體重

黃芪炒

蒼朮

升麻錢各一

人參

白朮

神麴炒

陳皮各五分

甘草炙

黃柏炒

麥門冬去心

當歸各三分

葛根二分

五味子九粒

澤瀉炒

青皮五分

右水煎服

白虎湯

治胃熱作渴暑熱不効又治熱厥腹滿身熱轉側面

垢譫語不時遺溺手足厥冷自汗脉沉滑

知母

石膏錢各二

粳米半合

右水煎服

人參白虎湯

治暑熱發渴脉虛等症

人參

一錢五分

知母

二錢

石膏

半兩

甘草

一錢

右入粳米一合水煎服

人參益氣湯

治暑熱傷氣四肢困倦嗜卧少食兩手指麻木

黃芪

炒入

甘草

七錢內炙二錢

人參

半兩

升麻

一錢

白芍藥

炒三錢

五味

百四十箇并炒

柴胡

二錢半

右咬咀分作四服

大順散

治冒暑伏熱引飲過多脾胃受濕水穀不分清濁相

干陰陽氣逆霍亂嘔吐臟腑不調

甘草

炒

乾薑

炮

杏仁

去皮尖炒

桂皮

去

右為末每服二錢湯點服

消暑丸 治傷暑發熱頭疼或嘔吐泄瀉二便不分

半夏

甘草炒

茯苓各半片

右為末生薑汁和丸桐子大每五十丸水下易簡方姜汁好醋煮半夏末作糊丸服

姜附湯

治霍亂轉筋手足厥冷汗出嘔逆腹痛脉欲絕者

乾姜

兩一

附子

生用一箇

右為末每服五錢水煎服

通脉四逆湯

治霍亂惡寒腹痛身冷自汗脉沉微如欲絕

吳茱萸

炒二兩

附子

炮一兩

桂心

通草

細辛

白芍藥

炒

甘草

炙各半兩當歸三錢

右每服四錢水酒生薑煎如不應更加倍服之以致為度

半夏解毒湯 治一切暑熱毒五心煩躁口舌咽乾

黃柏炒 黃芩炒 山梔子炒 半夏等分

右每服五錢水煎

六和湯 治暑伏熱煩悶霍亂轉筋吐瀉寒熱交作頭目昏

痛嗜臥倦怠小便赤澀不問胎產並服之

縮砂 半夏湯炮七次 杏仁去皮尖 人參

甘草炙各一兩 赤茯苓 藿香 木瓜各二兩

白扁豆薑汁炒 香薷 厚朴薑製各四兩

右每服一兩姜棗水煎服

益元散 治中暑身熱小便不利或發熱身痛口乾作渴

滑石^{六兩}

甘草^{微炒一兩}

右為末每服三錢加蜜少許湯水任下

二陳湯

方見二十四卷第五論

來復丹

五苓散

二方見二十一卷第十論

竹葉石膏湯

方見十三卷第十論

病人吐食方論

論新增

愚按病式云前症有三曰氣積寒也皆從三焦論之上焦吐者從於氣氣者天之陽也其脉浮而洪食已暴吐渴欲飲水大便燥結氣上衝胸發痛其治法當降氣和中中焦吐者從於積有陰有陽食與氣相假為積而痛其脉浮而匿其症或先痛而後吐或吐而後作痛治法當以消毒藥去其積壅擯

木香行其氣下焦吐者從于寒地之道也其脉沉而通其症
朝食暮吐暮食朝吐小便清太便秘而不通治法當以毒藥
通其閉塞溫其寒氣太便秘漸通復以中焦藥和之不宜太便
秘結而自愈也王太僕曰食不得入是有火也食入反出是
無火也又發明曰噎者六腑之所主陽也氣也塞者五臟之
所主陰也血也二者皆由陰中伏火而作也劉宗厚先生曰
若三焦傳化失常所致主於氣也若血虧胃脘乾稿所致因
於血也塞猶填塞不通之義故發明有治幽門不通噎塞不
便通幽湯例蓋陽無陰不能通化陰之失位而陽伏其中傳
化不變而反上行矣故前症或由飲食起居七情虧損脾胃
痰飲停滯中氣不運當以補中益氣湯為主若鬱結傷脾用

歸脾湯加枳殼桔梗若患怒傷肝用小柴胡加施苓參米脾
氣虛弱用六君加山桅枳殼氣血俱虛用小珍湯加山桅半
夏若用行氣之藥胸膈痞悶用六君芎歸之類若過用香燥
之劑而太便秘燥用四物參朮之類若飲食不能入用六君
山桅吳茱萸製黃連若食入而反出用六君炮薑白芷藜蘆
連製吳茱萸若痰滯而食反出六君枳殼桔梗若飲食少思
太便秘實胸膈痞悶吞酸噎腐食反不化是為脾胃虛寒用
東垣固真丸或八味丸若發熱煩熱身惡風寒腹畏熱食或
手足俱冷胸滿腹脹是內真寒外假熱用神効附子丸或八
味丸大凡嘔吐善食喜飲冷水是為有火嘔吐少食喜飲熱
湯是為無火當審其因而治之

附治驗

一婦人患前症胸腹痞悶得去後或泄氣稍寬余曰此屬脾氣鬱結而虛弱也當調補為善不信乃別用二陳枳實黃連之類不應又用香燥破氣前症益甚形氣愈虛余用加味歸脾湯調治半載而痊

一婦人患前症胸脇脹悶或小腹不利或時作痛小便滯滯余曰此肝火血虛也當清肝火生肝血養脾土生肺金以余言為迂別服利氣化痰等劑前症益劇虛症蠱起余用加味逍遙散加味歸脾湯煎服尋愈

一婦人患吐痰甚多手足常冷飲食少思余曰此肝脾鬱熱命門火衰不信另服化痰利氣之劑胸腹愈脹又服峻利攻

導之劑奈曰非其治也必變脾虛發腫之症急服金匱加減
腎氣丸庶有可救仍不信反服沉香化氣等丸果發腫而歿
白聖散 治虛熱翻胃用白聖土一斤米醋一升煨土赤入醋
內再煨再入以醋乾為度取土一兩入炮薑一錢為末每服
一錢米飲下甚者二錢須服四兩有效

治實熱翻胃用黃連五錢生薑汁浸炒山查三錢保和丸三錢
同為末糊丸麻子大胭脂為衣每服六十九煎人參湯入竹
瀝下之

太倉丸 治胃弱翻胃

肉豆蔻 砂仁 各二兩 丁香 二兩 陳倉米 二升

右為末薑汁糊丸桐子大每服六七十丸薑湯下

青金丹 每服三十丸生薑陳皮煎湯送下 方見前嘔吐類

附方

東垣補真丸

肉苁蓉

酒浸焙

葫蘆巴

炒

附子

炮去皮

陽起石

煨

肉豆蔻

麩裹煨

兔絲子

淨洗酒浸蒸

川烏

炮去皮

沉香

五味子

各五錢

鹿茸

酒浸炒

巴戟

去心

鍾乳粉

各一兩

右為末用羊腰子兩對治如食法葱椒酒煮搗爛入酒糊丸

如梧子大每服七十丸空心米飲鹽湯任下

神效附子丸

治脾腎虛寒嘔吐或翻胃膈噎用黑附子重一

兩四五錢端正底平尖圓一枚灰火炮之裂入生薑自然汁

內浸潤晒乾仍炮再入汁浸潤仍晒再炮用薑汁半碗為

度却去皮臍為末以人參煎膏丸黍米大每服數丸津唾送下
胃氣稍復飲食稍進投以溫補之劑

六君子湯

補中益氣湯

四物湯

三方見二十四卷第六論

歸脾湯

加味歸脾湯

八珍湯

加味逍遙散

四方見二十四卷第四論

八味丸

方見二十四卷第十一論

二陳湯

方見二十四卷第五論

金匱加減腎氣丸

方見二十二卷第十論

論第四

愚按前症若氣逆而血滯用流氣飲若恚怒而血逆用小柴

胡山梔丹皮血虛用四物參朮柴胡山梔丹皮若鬱結而血
虛用加味歸脾兼加味道遙散脾虛不能生血用六君歸脾
胃虛不能生血用益氣湯若肝虛而不能藏血用補肝散如
不應兼以六味丸若因脾肺虛用補中益氣湯如不應用六
君加味歸

附治驗

一婦人患前症胸膈痞悶余曰此屬脾經血虛遂用四君若歸
調補脾氣尋愈又因怒兼兩脇痞悶頭目不清月經旬餘未
竭用加味道遙散加釣藤治之復瘥

一婦人患前症胸膈作痛面青目劓小便頻數或時寒熱此肝
氣滯而血凝先用朱芩散二服痛止又用加味道遙散而愈

一婦人所患同前泛用行氣破血之劑以致不起

神功散 治血滯胸腹作痛

五靈脂炒一兩 莪朮 桂心 益母草炒各半兩

右每服二錢酒水煎

附方

流氣飲 方見三卷第七論

小柴胡湯 方見二十四卷第二論

加味歸脾湯 加味道遙散 二方見二十四卷第四論

四物湯 補中益氣湯 四君子湯

六君子湯 四方見二十四卷第六論

補肝散 方見本卷第十七論

六味丸 方見二十四卷第十一論

失笑散 方見二十卷第五論

製吳茱萸黃連法用二味等分用熱湯拌濕和勻重湯頓煮復氣相通同炒焦各揀出聽用

婦人學血方論第五

婦人氣血調和則循環經絡若勞傷元氣陰虛火動氣逆於肺則血隨鼻而衄產後尤不可治陳無擇曰亦有因怒氣而得者趙恭人鼻衄先用蘇合香丸四粒次用五苓散濃煎白茅花清調服即止又用芎歸湯調理而安一富男鼻血亦脈洪數以云曾服丹藥遂用芎連太黃為末水調服解之而愈愚按前症若熱鬱於胃經用犀角地黃湯若伏暑加四逆散

連香需飲若太怒血蓄于上用小柴胡湯若脾氣不能運五
歸源用歸脾湯大凡雜症見血多因陰分鬱熱或內有所傷
皆屬五志所動經曰諸見血身熱脉大者難治是火邪勝也
身涼脉靜者易治是正氣復也仍與後症同用

附治驗

一婦人經素不調因怒衄血此肝火熾盛用加味小柴胡加紅
花二劑血止又用加味逍遙散八珍湯兼服三十餘劑經行
如期

一婦人鬱結而患前症用加味歸脾湯其血漸止飲食漸進用
加味逍遙散元氣漸復寒熱漸止後因怒仍衄寒熱往來用
小柴胡湯加芍歸丹皮而愈

一婦人因勞衄血服涼血之劑更致便血或以血下為順仍用治血余曰此因脾氣下陷而血從之當升補脾氣庶使血歸其經不信果血益甚余朝用補中益氣湯夜用加味歸脾湯而愈此症用寒涼止血不補脾肺而死者多矣

刺薊散

治血熱鼻衄

刺薊

生地黄各二錢

桑耳

亂髮灰

艾葉炒各一錢

蒲黃

五分

石水煎服

犀角地黄湯

方見後

又方用白茅根汁丁合飲之即止

又方用生葱心塞鼻中血即止若刀斧所傷用之血亦止

四物湯加側柏生地黃治虛熱吐血甚效若脾經血虛須用四
君加芎歸若脾經結鬱須用歸脾湯若肝腎虧損須用六味
丸若氣血俱虛須用十全大補湯

附方

濟生犀角地黃湯 治熱鬱不解之行經絡或流腸胃隨氣湧

泄以致衄血吐血或為便血並皆治之

犀角

鎔如無
升麻代

生地黃

白芍藥

牡丹皮

各一錢

右每服四五錢水煎若實熱熾甚加炒黃芩若去血過多或
脾肺之氣虧損不能攝血歸源者急用四君子湯懷抱鬱結
者用歸脾湯

枇杷葉散

治暑毒攻心衄血嘔血或吐瀉作渴

香薷二錢

厚朴二錢半

甘草炙

麥門冬去心

丁香各半

木瓜

鐵器不見

白茅根

枇杷葉

陳皮

丁香

各半

錢

右末每服三五錢姜水煎

黃連香薷飲

治伏暑衄血便血不拘四時

方見本卷

第二論

小柴胡湯

加味小柴胡湯

二方見

二十四卷第二論

歸脾湯

加味道遙散

八珍湯

加味歸脾湯

四方見

二十四卷第四論

補中益氣湯

方見

二十四卷第六論

婦人吐衄血者由臟腑傷損所致夫氣血外行於經絡內榮於臟腑若六淫七情飲食起居有所損傷行失常道逆則吐血衄

婦人吐衄血者由臟腑傷損所致夫氣血外行於經絡內榮於臟腑若六淫七情飲食起居有所損傷行失常道逆則吐血衄

二

二

愚按前症若脾經熱用犀角地黃湯脾胃伏暑用黃連香
薷飲心脾熱用生地黃湯心氣耗損用茯苓補心湯脾氣
勞傷用鷄蘇散思慮傷脾用歸脾湯暴怒肝火用加味小柴
胡湯久怒肝傷六味地黃丸脾肺虛熱用麥門冬飲肝腎虛
熱用六味地黃丸氣血俱虛用十全大補湯經云肺朝百脉
之氣肝統諸經之血必用其溫之劑補其陽氣使血各歸其
經如大吐血病後論其脉急用獨參湯救之若潮熱咳嗽而
脉數者元氣虛而假熱之脉也皆由脾胃先損須用參之
類本草云人參治脾胃不足補中溫中瀉脾肺中火東垣先
生云脾胃虛者心火亢甚而乘土位脾氣受邪須用黃芪最
多人參升草次之脾胃一虛肺氣先絕故用黃芪以益皮毛

而開膠理嘗治氣血虛弱用十全大補最善若用寒涼止血
胃氣反傷無不致禍

附治驗

一者婦每作先飲食不進或胸膈不利或中脘作痛或大便作
瀉或小便不利余以為肝脾之症用逍遙散加山梔茯苓遠
志木香而愈後鬱結吐衄紫血每作先倦怠煩熱以前藥加炒
黑黃連三分吳茱萸二分頓愈復因怒吐赤血甚多煖湯
死此血脫也法當補氣乃用人參一兩苓朮當歸各三錢
皮炮黑乾薑各二錢炙甘草木香各一錢一劑頓止又用加
味歸脾湯調理而痊

一女子懷抱素鬱胸滿食少吐血面赤用六味丸及歸脾加山

梔貝母芍藥而愈

一婦人爲嬰母吐血咳嗽發熱盜汗經水不行此悲傷肺思傷脾朝服補中益氣加桔梗貝母知母夕用歸脾湯送六味左而愈

柔脾湯 治虛熱吐血衄血汗出

甘草炒

白芍藥炒

黃芪

各半兩

熟地黃

自製一兩五錢

右每服五錢水酒煎

一婦人月經不利忽妄行嘔血察其形脉如常用四生丸即安一女子飽食負重而吐血用前湯及青餅子而愈世治吐血並用竹茹地黃藕汁亦不可拘泥如陽乘於陰血得熱則流散經水沸溢理宜涼鮮地黃犀角之類如陰乘於陽所謂天

寒地凍水凝成冰須當溫散乾姜肉桂之類

四生丸 治陽乘於陰以致吐血衄血

生荷葉

生艾葉

生柏葉

生地黃

各等分

右研丸雞子大每服一丸水煎服陳白華云先公嘗遊靈石寺主僧留飯設卓下僧見卓不穩急俯穩之舉首即嘔血明年到寺問舊嘔血者何如主僧言服得四生丸遂愈自得此方屢治有効愚意前症乃內熱暴患用之有効若人病久本元不足須補脾以滋化源否則虛火上炎金反受剋養生矣

犀角地黃湯

方見前

葶藶湯

若陰乘於陽寒而嘔血

甘草炒

乾姜銘一

右水煎服理中湯亦妙

花蓋石散

治瘀血積於內以致大小便不通或血畜於上而

吐不止一婦人苦吐血百藥不効重便酒調不數服而愈

胎衣不下

如聖散

治吐血不已每服二錢米飲下

方見十七卷催生

附方

濟生鷄蘇散

治勞傷肺經唾中有血咽喉不利

鷄蘇葉

黃芪炒

生地黃

阿膠炒

貝母

白茅根

錢各一

桔梗炒

麥門冬去心

蒲黃炒

甘草

炒各五分

右薑水煎服

生地黃散

治熱衄血咯血吐血陰虛而不能愈者

枸杞子

柴胡

黃連炒地骨皮

天門冬

白芍藥

甘草炒

黃芩炒黃芪炒生地黃

熟地黃自製各五分

右水煎下血其六加地榆

三因茯苓補心湯

治面色黃瘁五心煩熱咳嗽吐血

半夏

前胡

紫蘇

茯苓

人參

枳殼炒

桔梗炒

甘草炒

乾葛各五分當歸一錢

川芎

陳皮

白芍藥各一錢

熟地黃自製一錢五分

右薑棗水煎服

麥門冬飲子

治氣虛吐血或氣虛不能攝血者

五味子杵十粒

麥門冬去心

黃芪炒各一錢

當歸身

人參

生地黃各半錢

右水煎服

十全大補湯

治胃氣虛弱吐衄血便血不止以致外症

寒發熱自汗盜汗食少體倦或寒熱作渴頭疼眩暈而似中風或氣血俱虛胸腹脇痛或骨節作痛經候不調或寒熱往來發熱晡熱或五心發熱咽乾舌燥或痰嗽喘促胸膈痞滿或嘔吐泄瀉手足冷熱等症

歸脾湯

加味道遙散 二方見二十四卷第四論

加味小柴胡湯

方見二十四卷第二論

六味丸

八味丸 二方見二十四卷第十一論

蜀參湯

方見三卷第十一論

補中益氣湯

方見二十四卷第六論

黃連香薷飲

枇杷葉散

二方見本卷前

婦人痰癖諸氣方論第七

婦人痰癖因元氣虛弱而邪氣積聚蓋痰者在腹內近臍左右有筋脉急痛如臂如指如絃之狀癖者僻在兩肋之間有時而痛皆陰陽不和經絡痞膈飲食停滯令氣固結而成也

愚按前症因飲食起居七情失宜虧損臟腑氣血乖違陰絡受傷循行失度所致羅謙甫先生曰養正邪自除必先調養使榮衛充實若不消散方可議下但陰之不以漸則必有顛覆之害若不守禁忌縱嗜慾其有不喪身者鮮矣

附治驗

一婦人內熱作渴飲食少思腹內初如鷄卵漸大四寸許經水

三月一至肢體消瘦齒頰似瘡脉洪數而虛左關尤甚此肝脾鬱結之症外貼阿魏膏午前用補中益氣湯午後用加味歸脾湯兩月許肝火少退脾土少健午前以補中益氣下六昧丸午後以逍遙散下歸脾丸又月餘日用蘆薈丸二服空心以逍遙散下日哺以歸脾湯下喜其謹疾調理年餘而愈一婦人腹內一塊不時上攻或作痛有聲或吞酸痞悶月經不調小便不利二年餘矣面色青黃余以為肝脾氣滯以太君加芍歸柴胡炒連木香吳茱萸各少許二劑却與歸脾湯下蘆薈丸三月餘肝脾和而諸症退又與調中益氣加茯苓丹皮中氣健而經自調

一婦人性多鬱善怒勤於女工小腹內結一塊或作痛或

月經不調，恪服伐肝之劑，內熱寒熱，胸膈不利，飲食不甘，形體日瘦，牙齦蝕爛。此脾土不能生肺，金肺金不能生腎，腎水不能生肝，木當滋化源，用補中益氣六味地黃，至仲春兩松江太守何恭，人性善怒，腹結一塊，年餘上腭蝕透，血氣虛極。時季冬肝脉洪數，按之弦緊，或用伐肝不清胃火之藥，余曰：真氣虛而邪氣實也。恐伐肝木至春不能發生耳。用八珍湯以生氣血，用地黃丸以滋腎水，肝脉頓退。因大怒耳內出血，肝脉仍大煩熱作渴，此無根之火也。仍以前藥加肉桂二劑，脉斂熱退。復因大怒，果卒於季冬辛巳日。乃金剋木故也。一婦人經候過期發熱倦怠，或用四物黃連之類，反兩月一度且少而成塊。又用峻藥通之，兩目如帛。所蔽余曰：脾為諸陰

之首目為血脈之宗此脾傷五臟皆為失所不能歸於目也
遂用補中益氣濟生歸脾二湯專主脾胃年餘而愈

麝香丸

治疫癘冷氣心腹作痛

麝香

二錢另研

五靈脂

炒

阿魏

五錢麝暴煨令麝熟

桃仁

三稜

各二兩醋製

芫花

醋炒

檳榔

各一兩

義茂

醋製

桂心

沒藥

木香

當歸

各半兩

右為末飯丸桐子大每服十丸淡醋湯下

治疫癘神効以獾猪肝一具重十餘兩用芭豆仁五十枚入肝
內用醖醋三碗慢火熬乾研爛量入三稜末丸桐子大每服
五丸食前熱酒下

羅安人每經行臍腹痛甚以桃仁桂枝湯一劑而瘥

方見第二卷十二論

治經來腹先痛用局方七氣湯送來復丹局方積氣丸痰癖瘕
瘕諸氣亦效

附方

蘆薈丸 治疰癖肌肉消瘦發熱潮熱飲食少思口乾作渴或
肝癖食積口鼻生瘡牙齦蝕爛等症

蘆薈

胡黃連

黃連

炒

木香

白無憂

炒

青皮

各五錢

當歸

茯苓

陳皮

各一兩五錢

甘草

炒七錢

右為末米糊丸桐子大每服七八十丸米湯下

阿魏膏

治一切瘡塊更服胡連丸

羌活

獨活

玄參

官桂

赤芍藥

川山甲

生地黃

兩頭尖

大黃

白芷

天麻

錢各五

槐柳桃枝

錢各三

紅花

錢四

木鼈

十枚
去殼

亂髮

如雞子
一團

右用香油二斤四兩煎黑去粗

入髮煎髮化仍去粗

於下黃

丹煎軟硬得中入芒硝阿魏蘇合油乳香沒藥各五錢麝香

三錢調勻即成膏矣攤貼患處內服丸藥黃丹須用真正者

効凡貼膏藥先用朴硝隨患處鋪半指厚以紙蓋用熱熨斗

熨良久如硝耗再加熨之二時許方貼膏藥若是肝積加蘆

薈末同熨

六君子湯

補中益氣湯

二方見二十四卷第六論

八珍湯

加味歸脾湯

歸脾湯

逍遙散

四方見二十四卷第四論

六味丸 方見二十四卷第十一輪

調中益氣湯 方見四卷第五輪

婦人疝瘕方論第八

婦人疝瘕之病由飲食不調氣血勞傷或胎產經行風冷相搏所致蓋疝者痛也瘕者假也脉弦急者生虛弱者死又脉沉浮牢為血實氣虛腹痛逆氣上行此為胞中有惡血久則結成瘕愚按子和先生云遺溺閉癥陰痿痺精滑白淫皆男子之病也若血涸月事不行行後小腹有塊或時動移前陰突出後陰痔瘡皆女子之疝也但女子不謂之疝而謂之瘕

附治驗

一婦人小腹痞脹小便時下白帶小水淋瀝此肝經濕熱下注

用龍膽瀉肝湯而愈

一婦人小腹脹痛小水不利或胸乳作痛或脇肋作脹或氣逆心吻余以爲肝火而血傷脾用四物柴胡青皮玄胡索木香而愈

一婦人小腹痞悶小便不利內熱體倦懶食用八珍湯加柴胡山施龍膽草治之而安

乾漆散 治疝瘕脇肋疼痛

乾漆 炒令烟盡

木香

芫花 醋炒

赤芍藥

桂心

當歸

川芎

琥珀 各半兩

大黃 二兩 炒

牛膝 兩

桃仁 去皮尖 兩另研 麝香 一錢

右爲末每服一錢溫酒調下

蟠蛇散

治前症屬寒氣不散疼痛甚効

方見二十四卷第八論

附方

寶鑑蒺藜湯

治陰疝小腹作痛小便不利手足逆冷或脇腹

悶痛

蒺藜

去刺

附子

炮

去皮各半兩

右末每三錢水煎食前溫服

卅溪定痛散

治寒疝疼痛速効

枳殼

十五箇

山梔子

炒

唐菟子

吳茱萸

荔枝核

炮各等分

右末用長流水調下一二錢空心服

三因失笑散

治小腸疝氣痛或血疝肚腹作痛

方見二十卷第五論

龍膽瀉肝湯

方見二十四卷第八論

四物湯

方見二十四卷第六論

八珍湯

方見二十四卷第四論

婦人經水不調

婦人臟腑調和經脈循環則月水以時故能生子而無病若乘
外邪而合陰陽則小腹胸脇腰背相引而痛月事不調陰中腫
脹小便淋瀝面色黃黑則瘕生矣小瘕者黃青燥血脂狐蛇鼈
是也千金外臺言是詳矣

愚按經曰氣主噓之血主濡之若血不流則凝而為瘕也瘕
者中雖硬而忽聚忽散多因六淫七情飲食起居動傷臟腑
而成當與瘕癖諸症治同慎不可復傷元氣

桃仁煎 治血痕

桃仁

大黃

炒各兩

黃蟲

炒黑半兩

朴硝

兩

右為末以醇醋一鍾石器中煮三分下前三味不住

至可丸下朴硝丸桐子大不喫晚食五更初溫酒下五九日

午下穢物如未見再服仍以調氣血藥補之予向在毗陵一

婦人小便不通臍腹脹甚予診之曰此血痕也用前藥二服

腹痛下血塊血水即愈此藥猛烈太峻氣血虛者斟酌與之

大硝石丸 治七癥八瘕當用此藥去之不容人困

硝石

三兩

大黃

四兩

人參

錢一

甘草

八分

右為末苦酒一升石器中先入大黃煎膏入餘藥丸梧子大

每服三十丸米飲下三日一服宜下赤物

婦人腹中瘀血方論第十

婦人腹中瘀血者由月經閉積或產後餘血未盡或風寒滯瘀久而不消則為積聚癥瘕矣

愚按前症若鬱結傷脾用加味歸脾湯若恚怒傷肝用加味逍遙散若產後惡露用失笑散若肝脾虧損用六君子湯以補元氣為主胃氣虛弱用益氣湯加茯苓半夏為主大凡腹中作痛長手按者此內有瘀血若形體如常屬病氣元氣俱實用桃仁承氣湯直下之若痛而肢體倦怠飲食少思此脾胃受傷屬病氣有餘元氣不足用當歸散調和之若痛而喜手按腹形體倦怠飲食少思此形氣病氣俱不足用六君子湯薑芎歸純補之若痛而大便不實飲食難化此脾胃虛寒用

六君炮薑肉果溫補之若痛而作嘔少食此脾胃虛弱用六君炮薑薑香若痛而嘔吐不食泄瀉用六君加姜桂若蕪手足逆冷自汗更加附子此症多有因攻伐而致者

附治驗

一婦人耳下腫赤寒熱口苦月經不調小腹內一塊此肝火氣滯而血凝也用小柴胡加山梔川芎丹皮治之諸症悉退
一婦人久患腹痛去瘀血方止而復大痛諸藥不納予以脾胃之氣虛寒用參朮炮薑丸如黍每用數粒津嚥下後以二味濃煎漸呷而愈

桃仁丸 治瘀血不利月水不調發熱作渴心腹滿急或肚腹中作痛

桃仁

大黃

三兩

蜚蠊

炒去足

水蛭

炒焦各四十枚

古為末煉蜜丸桐子大每服五六丸空心熱酒下

附方

桃仁承氣湯

治瘀血小腹急痛大便不利或譫語口乾漱水

不嚥通身黃色小便自利或血結胸中手不敢近腹或寒熱

昏迷其人如狂

桃仁

半兩

大黃

炒一兩

甘草

二錢

肉桂

一錢

右薑水煎發日五更服

附方

加味歸脾湯

治瘀血已去或脾經失血小腹作痛無寐發熱

盜汗或脾傷不能攝血或心脾傷痛嗜卧少食或夢遺精

血虛發熱或肢體腫痛大便不調或經候不准補熱內熱

加味逍遙散 方見二十四卷第四論

失笑散 方見二十卷第五論

六君子湯 補中益氣湯 二方見二十四卷第六論

當歸散 方見後卷第五論

小柴胡湯 方見二十四卷第二論

婦人癥瘕方論第十一

婦人癥瘕由飲食失節脾胃虧損邪正相搏積于腹中牢固不動故名曰癥得冷則作痛冷入子宮藏則不孕入胞絡則月水不通愚按前症若脾胃虛弱用六君子加芎歸若肝脾虛弱用補中益氣及歸脾湯若肝火鬱滯佐以蘆薈地黃二丸外貼阿

魏膏患者須慎七情六淫飲食起居治者不時審察病機而藥之庶幾有效

附方

川山甲散

治癰痞瘀血心腹作痛

川山甲

鱉甲醋炙

赤芍藥

大黃炒

乾漆炒令烟盡

桂心各一兩

川芎

芫花醋炒

當歸尾各半兩

麝香一錢

右為末每服一錢酒調下

六君子湯

補中益氣湯二方見二十四卷第六論

歸脾湯

方見二十四卷第四論

六味地黃丸

方見二十四卷第十二論

苦薺丸

阿魏膏二方見本卷第七論

婦人食療方論第十二

婦人食癥由臟腑虛弱經行不忌生冷飲食或勞傷元氣所致
陳無擇云經不行者宜先導之而後固元氣為主

愚按前症若形氣虛弱須先調補脾胃為主而佐以消導若
形氣充實當先疏導為主而佐以補脾胃若氣壅血滯而不
行者宜用烏藥散散而行之若脾氣虛而血不行者宜用四
君芎歸補而行之若脾氣鬱而血不行者宜用歸脾湯解而
行之若肝脾血燥而不行者宜用加味逍遙散清而行之太
抵食積痞塊之症為有形蓋邪氣勝則實真氣奪則虛當養
正闕邪而積自除矣雖然堅者削之客者除之胃氣未虛或
可少用若病久虛乏者不宜輕用

烏藥散

方見後

婦人積年血癥方論第十三

婦人積年血癥由寒溫失節脾胃虛弱月經不通相結盤牢又則腹脇苦痛宜用三稜煎主之

愚按前症多兼七情虧損五臟氣血乖違而致蓋氣主噓之血主濡之脾統血肝藏血故鬱結傷脾悲怒傷肝者多患之腹脇作痛正屬肝脾二經症也竊謂羅謙甫先生云養正積自除東垣先生云人以胃氣為本治法宜固元氣為主而佐以攻伐之劑當以歲月求之若欲速效投以峻劑反致有誤右七症方藥當互相參用

附方

三稜煎

治血癥血瘕食積痰滯

我木

少 諸浸

三稜

各三

青皮

去白

半夏

麥牙

一兩

右用好醋一鍾煮乾焙為末醋糊丸桐子大每服三四十九
淡醋湯下痰積薑湯下

婦人血氣心痛方論第十四

婦人血氣心痛由臟腑虛弱風冷所乘蓋心為諸臟之主若心
受傷名真心痛朝發夕死夕發旦死若心絡傷故痛發乍輕作
甚而成斯症也

愚按前症若寒邪所傷溫散之飲食停滯消導之肝火妄動
辛平之脾氣鬱結和解之仍與後六症方藥同用

附治驗

一婦人久患心痛飲食少思諸藥到口即吐予以為脾土虛弱

用白朮一味同黃土炒去土每服一兩以米泔煎濃徐服少許數日後自能大飲用三斤餘而安

上舍陳履學長子室素怯弱產後患疥瘡年餘不愈因執喪旬月每欲眩仆一日感氣忽患心脾高腫作疼手不可按而嘔吐不止六脉微細或見其形實誤認諸痛不可補氣乃用青皮木香五味吳茱萸等藥而愈繼復患瘡且墮胎又投理氣行血之藥病雖去元氣轉脫再投參芪補劑不應矣六脉如絲欲絕迎予至診之曰形雖實而脉虛極反用理氣之劑損其真氣故也連投參芪歸朮附子薑桂二劑間用八味丸五日寢食漸甘六脉全復此症若心脾疼痛時即服此等藥瘡亦不作矣

附方

烏藥散

治血氣壅滯心腹作痛

烏藥

我戎

醋浸炒

桂心

當歸

桃仁

青皮

木香

各等分

右為末每服二錢熱酒調下

靈苑方

用生五靈脂為末每服一錢沸湯下日三服

八味丸

方見二十四卷第十一論

婦人血氣心腹疼痛方論第十五

婦人血氣心腹疼痛由臟腑虛弱風邪乘之真邪相搏隨氣上下故心腹作痛也

愚按前症若氣滯血瘀用沒藥散勞傷元氣用益氣湯肝脾

鬱結用四七湯怒動肝火用小柴胡湯肝脾血虛用四物湯
脾肺氣虛用四君子湯中氣虛弱用補中益氣湯氣血俱虛
用八珍湯

附治驗

一婦人每怒心腹作痛久而不愈此肝火傷脾氣也用炒山梔
一兩生薑五片煎服而痛止更以二陳加山梔桔梗乃不發
一婦人懷抱鬱結不時心腹作痛諸藥不應用歸脾湯倍加炒
山梔而愈

陳湖陸小村母久患心腹疼痛每作必胸滿嘔吐手足俱冷
面赤唇麻咽乾舌燥寒熱不時月餘竟夕不安其脉洪大衆
以痰火治之屢止屢作迨乙巳春發頻而甚仍用前藥反劇

此寒涼損真之故內真寒而外假熱也且脉息洪強而怪
此乃脾氣虧損肝木乘之而然當溫補胃氣遂用補中
湯加半夏茯苓吳茱萸木香一服熟寐徹曉洪脉頓飲怪脉
頓除諸症釋然

附方

琥珀散 治氣滯心腹撮痛或月經不行小腹疼痛

烏藥

莪茂醋浸炒

當歸一兩

右為末每服二錢溫酒調下

蠲痛散 治血氣刺痛

荔枝核酒存性

香附子一兩

右為末每服二錢溫酒調下

菖蒲丸

治血積心脾作疼

男六德續添

九節菖蒲

兩六

吳茱萸

炒

香附子

各四兩

右為末醋調神麴糊丸桐子大每服四五十九丸淡薑湯調下

沒藥散

治血氣不行心腹作痛或行注疼痛或月經不調癸

熱睡熱並用之

紅花

沒藥

當歸

玄胡索

炒各等分

右為末每服二錢童便酒調下

木香枳朮丸

破滯氣消飲食開胃進食消化痰涎

木香

枳實

炒各一兩

白朮

二兩

右每服五錢薑棗水煎服

木香化滯湯

治脾胃虛弱飲食停滯腹脹作痛或心下痞滿

不惠飲食若憂怒飲食而致者尤宜用之

木香

紅花

錢各三

橘皮

當歸

稍錢各二

柴胡

錢四

草豆蔻

甘草

灸半兩

半夏

兩

枳實

炒二錢

右每服三五錢薑水煎服

補中益氣湯

四君子湯

四物湯

三方見二十四卷第六論

四七湯

方見十一卷第七論

小柴胡湯

方見二十四卷第二論

八珍湯

歸脾湯 二方見二十四卷第四論

二陳湯

方見二十四卷第五論

婦人血氣小腹痛論第十六

婦人小腹疼痛由胞絡受冷搏於血氣結於小腹因虛發動故痛也愚按前症若氣寒血結用葳靈仙散氣滯血凝用當歸散肝經血虛用四物湯加參朮柴胡肝經濕熱用龍膽瀉肝湯肝脾氣虛用六君子湯加柴胡芍藥肝脾虛寒用六君子湯加柴胡肉桂若兼嘔吐加木香四肢逆冷再加炮姜

附治驗

通府張孟威云其妹小腹疼痛服附子理中湯附子服過八錢餘枚此乃沉寒痼冷之甚不多有者

附方

葳靈仙散 凡冷氣滯血小腹疼痛或經行遇怒腹脹痛宜用

之

藏靈仙

當歸 沒藥

木香

桂心

右為末每服一錢熱酒調

當歸散

凡血積小腹疼痛或因氣逆月經不行肚腹作痛

當歸

赤芍藥

劉寄奴

沒藥

枳殼

玄胡索

右為末每服一錢熱酒調下

四物湯

六君子湯

二方見二十四卷第六論

龍膽瀉肝湯

方見二十四卷第八論

附子理中湯

方見二十一卷第九論

婦人兩脇脹痛因臍虛弱氣血不調風冷客於胞絡相搏壅塞故也

愚按東垣先生云胸脇作痛口苦舌乾寒熱往來發嘔發吐
四肢滿悶淋瀝便難腹中急痛此肝木之妄行也竊謂前症
若暴怒傷血用小柴胡芎歸山梔氣虛用四物參朮柴梔若
久怒傷氣用六君芎歸山梔若氣血俱虛用六味地黃丸若
經行腹痛寒熱晡熱或月經不調發熱痰咳少食嗜臥體痛
用八珍柴胡丹皮若脇脹發熱口渴唾痰或小便淋瀝頸項
結核或盜汗便血諸血虛皆用六味丸若兩脇作脹視物不
明或筋脉拘急面色青小腹脹或小便不調用補肝散若緊
用香燥之劑反傷清和之氣則血無所生諸症作焉
丹溪先生云右脇痛用推氣散小龍膏丸當歸龍薈丸控涎
丹抑青丸十棗湯若病氣元氣俱實之劑用者審之

附治驗

一婦人性急吐血發熱而脇脹痛目瞽益甚此怒氣傷肝氣血俱虛也朝用逍遙散倍加炒黑山梔黃柏貝母桔梗麥門冬夕以歸脾湯送地黃丸而愈

一孀婦內熱晡熱肢體痠麻不時吐痰或用清氣化痰藥喉間不利白帶腹脹用行氣散血藥胸膈不利肢體時麻此鬱怒傷肝脾而藥益甚也予則朝用歸脾湯以解脾鬱生脾氣夕用加味逍遙散以清肝火生肝血百餘劑而愈後因怒飲食日少肢體時麻此乃肝火侮土用補中益氣加山梔茯苓半夏而痊又飲食失調兼有怒氣肢體麻甚月經如注脉浮洪而數此脾受肝傷不能統血而致崩肝氣虧損陰血而脉大

繼用六君加芎歸炮薑而血崩止又用補中益氣加炮薑茯苓半夏而元氣復更用歸脾湯逍遙散調理而康

附方

薏靈仙散

治冷氣血滯而脇作痛

方見前

人參紫荊皮散

治心腹刺痛胸膈飽滿不進飲食

紫荊皮

蒼朮

石菖蒲

香附子

人參

木香

右為末米糊丸桐子大每服三十丸食後薑湯下

左金丸

一名四金丸

治肝火胸脇脹痛或發寒熱或頭目作痛或太

便不實或小便淋秘或小腹疼痛及一切肝火之症

黃連

吳茱萸

右為末粥丸白朮陳皮湯下

當歸龍薈丸

治肝經實火胸脇脹痛或大便秘結小便澀滯

凡屬肝經實火皆宜用之

當歸

龍膽草炒

梔子仁炒

黃連炒

黃芩炒

大黃炒

蘆薈

青黛各五錢

木香二錢

麝香另研

右為末用神麴糊丸桐子大每服二十九薑湯下

補肝散

治肝腎二經氣血虧損脇脹作痛或脇脹頭暈寒熱

發熱或遍身作痛經候不調

山茱萸肉

當歸

五味子炒

山藥

黃芪炒

川芎

木瓜各半

熟地黃自製

白朮炒

獨活一錢

酸棗仁

炒各四錢

右為末每服五錢棗水煎服

小柴胡湯

方見二十四卷第二論

四物湯

補中益氣湯

六君子湯

三方見二十六卷第六論

六味丸

方見二十四卷第十一論

八珍湯

逍遙散

歸脾湯

加味逍遙散

四方見二十四卷第四論

婦人經水不調

婦人經水不調由心脾虛損邪氣乘之此足少陰腎經之脈起於足小指貫腎絡膀胱入肝肺出絡於心若邪搏三經併結於脾脾虛則心腹脹滿矣

愚按前症脾胃虛痞用六君子湯脾胃虛寒者用人參
湯藴結氣滯者用歸脾湯肝侮脾土用六君柴芍脾氣壅滯
用平胃散肺氣壅滯用紫蘇飲宿食壅滯用養胃湯脾血虛
痞用四物參朮

右六症當互相參用
與六卷第七論同用

附治驗

嘔吐心腹
七卷第一論
痛見

婦人胸膈不利飲食少思腹脹吞酸或用疎利之藥反致中
滿不食予以爲脾土虛而肝木勝用補中益氣湯加砂仁香
附煨薑又以六君子加芎歸拮梗而愈

吳江史玄年母久病之後遇事拂意忽胸腹脹滿面目微腫
兩腿重滯氣逆上升言語喘促所服皆清氣之劑不効予曰
此脾肺虛寒也先用六君子湯一劑病勢頓減後用補中益

氣加揆芩半夏乾薑三劑形體頓安後以七情失調夜間腹
脹乃以十全大補加木香治之而痊

附方

白朮散 治脾胃氣滯心腹脹滿不欲飲食

白朮

炒

草果

呵子

茯苓

檳榔

桂心

各五分

陳皮

厚朴

姜製

人參

各一錢

甘草

炒三分

右薑棗水煎服

愚按前方治胸膈氣滯飲食內停之良劑若脾血虛痞瀉

四物參朮脾氣虛痞須用四君芎歸

補遺治心腹脹滿予嘗獨用厚朴薑汁炒每服五錢薑七片水
煎溫服不拘時候間服沉香降氣湯得効此病氣元氣

之治法也

附方

平胃散 治脾氣壅滯胸腹不利或飲食不進停滯嘔吐

蒼朮

厚朴

姜製

陳皮

各一錢五分

甘草

炙五分

右薑棗水煎服

人參養胃湯

治脾氣壅滯胸膈不利或飲食壅滯胸腹脹悶

或兼外感風寒頭痛嘔吐等症

方見二十一卷第九

四物湯

六君子湯

補中益氣湯

三方見二十四卷第六論

人參理中湯

方見二十卷第八論

十全大補湯

歸脾湯 二方見二十四卷第四論

紫蘇飲

方見十二卷第八論

調中益氣湯

方見四卷第九論

太醫院校註婦人良方卷之七終

人參養榮湯

合服此藥聖藥不誤

古方集本原題

養榮

合服

聖藥

不誤

平胃

合服此藥聖藥不誤

平胃

古方

